



Коми кывйысь  
творчества уджъяс

1 юкӧн





Министерство образования и науки Российской Федерации  
Федеральное агентство по образованию  
ГОУ ВПО «Коми государственный педагогический институт»  
Кафедра методики преподавания русского и коми языков

*Посвящается 20-летию кафедры методики  
преподавания русского и коми языков КГПИ*

## **ЗАРНИ КУД**

**Коми кывйысь творчества уджъяс**

**1 юкӧн**

Сыктывкар  
2009

Рекомендовано к изданию на заседании кафедры методики преподавания  
русского и коми языков КГПИ от 25.02.2009 г., протокол № 6

**Рецензент: А.Н. Карманова** – научный сотрудник Центра по разработке учебно-методических комплектов национально-регионального компонента КРИРОиПК

**Зарни куд:** коми кывйысь творчествоа удж чукор = Золотое лукошко: сборник творческих работ по коми языку / сост. Э.И. Полякова, З.И. Мартынова. – Сыктывкар: Изд-во Коми пед. ин-та, 2009. – Выпуск 1. – 76 с.

Сборник содержит творческие работы студентов факультета педагогики и методики начального образования: сказки, рассказы, стихотворения, тексты-описания, тексты-загадки, стихи о буквах, тексты в форме писем, тексты-размышления от имени героев и другие. Пособие является универсальным, поскольку текстовый материал может быть использован студентами в изучении курса «Методика преподавания коми языка» и учителями начальных классов в процессе обучения коми языку. Тексты разных типов и жанров, включенные в сборник «Зарни куд», помогут студентам организовать работу над текстом и формированием речевых умений.

© Коми государственный  
педагогический институт, 2009

## ВОДЗКЫВ

Школаын коми кыв велодöмлön тöдчанлуныс ыджыд. Мортöс тшöкыда донъялöны сёрни сертиыс. Чужан кывйыс отсалö том мортлы сöвмöдны-бурмöдны сёрни культурасö да озырмöдны тöдöмлунъяссö.

Коми кыв велодан методикаысь Коми пединститутса студентъяс велöдчöны колана ногөн сёрнитны коми кывйөн, öд медся стöча ассьыд мөвптö верман тöдчöдны сöмын чужан кывйөн. Коми кыв методикаысь уджъяс котыртан шөр могыс – велöдны студентъясöс мөвпавны, гөгөрвоана висътавны ассыныс мөвпъяснысö, озырмöдны налысь кывворсö. Студентъяслы сетöма позянлун петкöдлыны кывйысь тöдöмлунсö да кужöмлунсö ас гижöдъяс да творчествоа уджъяс пыр.

Грамотаö велодан методика велöдигөн студентъяс окотапырысь асьныс дасьтöны шыпасъяс йылысь кывбуръяс да нöдкывъяс. Сёрни сöвмöдан уджъясөн тöдмасигөн найö лöсьöдöны уна сикас гижöдъяс: мойдъяс, висътъяс, кывбуръяс, текст-серпасъяс, текст-мөвпалöмъяс да мукöд.

Сочинение – тайö студентъяслысь мөвпалан сямсö сöвмöдан тöдчана удж сикас. Дасьтöм текстъясысь бура тыдовтчö том йöзлөн сямлуныс, наён олöмсö гөгөрвоöмыс, грамматикаён да гижан правилöясөн вöдитчан кужöмлуныс.

«Зарни куд» нима небöгын сетöм текстъясөн вермас вöдитчыны школаын коми кыв да литература велöдысь. Сийö лыддьö гижöдсö, видлалö текстсö сюрös, тэчас да кыв боксянь. Велöдысь вочасөн тöдмöдö челядьöс уна сикас гижöдъяс дорö корöмъясөн, велöдö петкöдлыны ас гижöдын висъталанторйыслысь темасö да шөр мөвпсö.

# І. МОЙДЪЯС

## *Дзинь да Дзонь*

Олісны – вылісны кык рака: Дзинь да Дзонь. Олісны найö вичко дорын, водз асывводзö ёна радейтлісны вичко дорын лэбалыштны.

Öти арся асылö Дзинь да Дзонь лэбалісны тадзи вичко дорті да кызкö тöдлытöг лэбисны нюр дорöдз. А сэнi лэбалісны турияс, дзодзöгъяс да весиг юсьяс. И ставныс сёрнитісны сöмын öтитор йылысь: кызди лунвылö мöдасны лэбны. Дзиньлы окота лои тöдмавны, мый сійö «лунвылысь». Сійö матыстчис матöджык да чукöстіс дзодзöгöс, кодi дзык орччөн сыкөд лои. Дзодзöгыдлы чукöстöмид эз во сьölöм вылас:

– Мый тэныд колö, сьöd рака?

– Ме кöсья тöдмавны, мый сійö «лунвылысь»?

А лунвыв йывсьыд юалöмид небзьöдіс юсьыдлысь сьölöмтö, зэв око-тапырысь пондіс висьтавны.

– Лунвыв – тайö зэв шоныд ин, кöні быдмöны, тiян ногөн кö, шемöс пуяс: пальма, бамбук да уна мукöд.

Ракаясыдлөн синъясыс ыдждісны.

– Пальмаяс? А мый сійö сэтшöмысь?

– Пальма – тайö аслыспölöс быдмөг. Тi, ракаяс, нимтанныд эськö сійöс пуөн. Збыльвылас пальмаыд – турун. Сы вылын быдмö банан да мукöд чöскыдтор.

Дзинь асьсö нин аддзис лунвылысь: лэбалö шемöс пуяс костті, кравзö, сійö пуяс вылысь преник, шоколад да банан.

Дзонь тувкнитіс ёртыслы бокас, мöдыс муртса эз усь пу вылысь.

– Вай лэбам гортö, найö миянöс, кöнкö, ылöдлöны: шемöс ин, шемöс пу... Тьфу! Мунам гортö!

Но Дзиньлөн юрас вöлі сöмын лунвыв. Лэба дай сöмын, Дзоньöс оз кывзы. Лунвылö лэбысь лэбачьяс тшöтш жö мöдісны öлдны ышмöм

ракато, тэнад пö выныд оз тырмы сэтчöдз воöдчынытö. Но весиг найöс эз кывзы.

– Ме лунвылö кöсья, сідзкö, ме лунвылö и лэба.

Дзöнь лөгасис Дзинь вылö да бөр гортас лэбис.

А Дзинь куим лун виччысис нюр вылын, кор лэбачьяс мөдöдчасны кузь туйö. И со туйö петан кадыс воис. Водз асыв став лэбачыс чукöртчисны нюр бокö, медым колльöдчыны войвывкөд локтан тулысöдз. Накöд вöли и Дзинь. Пукалыштисны чöла кузь туй водзын да вөрзьöдчисны. Дзöнь аддзылис, мый Дзинь тшöтш лэбзис да бөрддзис.

Лэбöны лэбачьяс лун, лэбöны мөд, лэбöны коймөд... Медбöрын пуксисны жö шойччыштны. Дзиньлөн бордъясыс сэтшöма мудзисны. Шенасьнысö наөн оз нин вермы. Сы дорö матыстчис дзодзөг да юалис:

– Но, Дзинь, тэ водзö на миянкөд лэбан? Гашкö, кольччан да? Туйыд öд миян кузь на...

– Лэба водзö! – вочавидзис Дзинь, аслыс кöть дышöдис нин, а янавны абу окота.

Коркö-й и лунвывлань пондिसны матыстчыны. Сынöд кöрыс вежсис, и шондйыс ярджык лои. Дзиньлөн нин став эбöсыс бырис. Сійö дугдис бордъяснас шенасьнысö да усис му вылö. Усис да веськалис лягуша гöптö. Усьöмсьыс садьсö воштис. А кор бөр ас саяс воис, аддзис орччөн дзодзөгъясöс, юсьясöс да туриясöс. Казялöмаöсь найö выль ёртлысь усьöмсö да ставныс косöмаöсь. Видзöдöны сы вылö, эз-ö кыткö чег.

– Дзинь, лэбнытö тэ он нин вермы. Вай жö кольччы татчö, а ми водзö лэбам. Сизим тöлысь мысьт ми бөр войвылö мөдöдчам да тэла кежалам.

Дзиньлөн выныс тырмис сöмын сы вылö, медым кыкысь юрнас довкнитны.

– Но ми мöдам! Бура ов, виччысь миянöс!...

Татшöм кывъясөн лэбачьяс мөдöдчисны, а Дзинь колис. Петис васьыс, а гөгöрыс нин кытшалöмаöсь лягушаяс. Ставөн сералöны сы вылын:

«Кутшом съод да мисьтём тайё лэбачыс! Миян лэбачьяс дас пөв мичаёсь та дорысь!»

Сэсса кысянькё уна рёма лэбачьяс воисны. Дзинь весиг повзис. И лэбачьяс сійёс серамвыв лэптисны. Но лэбачьяслысь серамтё Дзинь эз нин вермы терпитны. Лягушаясянь нин нем оз позь виччысьны, лунтыр сёмын и ваксьоны – кваксёны, но лэбачьяс...

– Мый ті сераланнуд ме вылын? – шуис дөзмём нин Дзинь. – Ме сэтшом жё лэбач, кыздэ и ті. Сёмын ме съод рёма да войвылысь вои. И ме бананъяс косья сёйны! Найё пальмаяс вылын быдмёны.

Лэбачьяс дугдисны серавны сы вылын, весиг бананъяс вайисны мудзём Дзиньлы. Уна-уна банан. Ракаыд бура и чөсмасис бананнад.

Тадзи, бананъяс сёйёмөн, төлысь коли. Дзиньёс нин гажтём кутис босьтны. Пукалё да казытылё Дзоньёс: кыммё, кёнкё, өтнас. Көдзыд войнас топөдчасны вөлі өта-мөд дорас. Сэтшом шоныд да лосьыд! Гашкё, мукөд ракаясыс өбөдитёны сійёс, өтнасөн колис да...

– Ме ог вермы сэсса тані овны, ме гортё косья мунны, косья Дзоньёс аддзывны.

– Эн бөрд, Дзинь, квайт төлысь мысьт бөр гортад лэбзян.

– Но ме өні косья!

– Өтнад лэбны тэ он вермы. Туйсё он төд, вошны верман! – өлөдिसны сійёс лэбачьяс.

Но Дзинь найёс эз кывзы. Мөд асывнас шондйскөд тшөтш водз чеччис, сёйыштис банан да гортлань мөдөдчис. Некодлы весиг эз висьтась. Кор нин вылын енэжын вөлі, садьмис өти попугай да казяліс: мыйкё неладнө. Дзиньыс абу да. А Дзиньыд бөр туйтө төдө нин да зэв өдйө и воис гортас. Аддзис вичкосё, аддзис Дзоньёс, коді пыр на бөрдис Дзинь мунёмысь.



Дзонь аддзис Дзиньёс. Пуксисны найё орччён, радлісны: бара ёд  
ётлаынёсь! Сэссия найё кутласисны-йөктісны радысла, а на гөгөр мукөд ра-  
каяс кравзісны:

– Дзинь лунвылысь воис! Лунвывса бананъяс сёйис! Сё дивё!

А Дзонь пыр жё пондіс юасьны Дзиньлысь:

– Дзинь, а мый нё сійё «лунвылысь»?

– Лунвылад шань да мича, но войвылыд кык пөв мича. Чужан Коми  
муёй меным ёнджыка воё сьёлөм выло!

Гөститнытё бур, но гортад медся на бур!

*(Мойдсё лосьёдіс Вахнина Марина)*

### ***Куим саревна***

– Мойдыштны коранныд? Мый йылысь нё тиянлы мойднысё?

– Тури йылысь!

– Ог.

– Ош йылысь!

– Ог жё. А, тода ме өти мойд. Кытысь тода? Мыйкө кань пач вылысь  
нурбыльтыштіс, мыйкө рака керка вевт вылысь кравөстіс, мыйкө  
пельёсын шарөдчысь шыр содтыштіс. Со и мойд артмис. Кывзёй.

... Өти сарствоын, өти государствоын оліс-выліс өксы. Вөлі сылөн куим  
ныв: Катюша саревна, Настюша саревна да Агнюша саревна. Ставныс дас  
арёсаёсь. Ёна и радейтіс да нимкодясис батыыс аслас нывъясён да эз и ка-  
зьявлы, мый ёна нин ышмөдіс найёс.

Катюша саревна быдмис зэв пөръясысьён. Йёз сылысь юаласны:

– Катюша, кымын тэныд арёс?

– Сё во! – син лапниттөг вочавидзас нывка.

– Катюша, а кор шондіыс пуксьё: асылын али рытын?

– Асылын, – бара нин пөръялас нывка.

Со кутшөм вөлөма Катюша саревнаыд.

Настюша саревна вёлёма зэв ышнясьысьён. Двореч пасьтала кыліс  
сылён гора гёлёсыс:

– Ме! Да ме роктё ог сэй! Роксё сёмын голь йёз сэйёны, а ме ёксы ныв!  
Сетой меным кёлач да преник, ма да пельнянь!

– Ме! Ме тайё уджтё ог вёч! Ёксы нывлы оз позь уджавны!

А Агнюша саревна быдмис зэв полысьён. Ставсьыс полис: и тіврусьыд,  
и пемёсьяссьыд, и гут-гагсьыд.

– Агнюш, петав гуляйтышт, – корас нянюшко.

– Ог, ог пет! Сэні турунас кодкё шарёдчё.

– Агнюш, лок кодзыд йёвтё юышт.

– Ог, ог! Кёдзыд йёлыд менсьым кынёмёс кынтас, йи корөгё пёртас.

Со кутшёмось вёліны саревнаяс. Но тайё тырмытёмторъяс вылө  
видзёдтөг ёксы аслас нывъяскөд оліс бура, ладмёмөн, ёта-мөдкөд эз пи-  
нясьны. Саревнаяс батьлысь кывзысисны. Ладён и водзё эськө олісны, но  
игөдчис и налён керкаё шог.

Муніс өтчыд ёксы вёравны, дона куа да чёскыд яя звер-пётка кыйны, а  
бёрсё сідзи эз и лок. Вежон абу, мөд абу... Бөрдё сарство-государство,  
бөрдёны аслас дворечын саревнаяс. Но вёчнысё нинём, колө мөдөдчыны  
корсьны батьёс. И петісны саревнаяс ылі туйё. Дыр-ё, недыр-ё мунісны  
найё да воисны пемыд вөрё. Сэні туйыс юкис куйм ордым вылө. Сувтісны  
нывкаяяс: оз төдны, мый налы водзё вёчны, кытчө мунны. . .

– Ме муна веськыдывв туйті, – шуис Катюша да мөдөдчис шуйгавыв  
ордымтіс.

– А ме муна шөр туйті, сійё медся югыд да сөстөм, абу сэтшөм  
повзьөдана, – шуис Агнюша саревна да тіралігтырйи веськөдчис водзлань.

– Ме инө бөръя веськыдывв туйсё, сійё ёксы нывлы медся лёсялана, –  
шуис Настюша саревна да мөдөдчис бөрийөм ордымті.

Муніс-муніс Катюша саревна пемыд вөрті, вёрыс оз и помась. Орды-  
мыс то вылө кайё, то улө лэччө. Петіс коркө саревна вёрысь катшасинъяса

видз вылө. Видзөдө: сулалө видз вылын керка, паськыд өшиньяса, восьса өдзөсьяса. Керка вевт вылас петукъяс сьылöны. Пырис саревна керкаө, а сэнi пöрысь пöч пукалө. Юрсө өшөдөма, синва лэдзө.

– Бур рыт! – шуис Катюша саревна, кöть вöли асыв.

– Видза олан, дона нывка! А öни рыт али мый?

– Да, – довкнитис юрнас саревна. – А мыйысь нö тi бöрданныд?

– Воштi ме ассьым öчкиöс. Ог тöд кытчö пуктысьсöма. Верми джоджö уськöдны... Куим лун нин тадзи пукала, пола сувтнысö. Гашкö, тальчча да, – норасьыштис нывкалы пöч.

Видзөдө Катюша, а öчкиыс бабыслөн юр вылас. Кыдз нö сылы тайöс шуны? Збыльсö висьтавынысö абу велалöма, пöръясьнысö абу жö лöсьыд, жаль пöчыс. Босьтис сэки Катюша öчкисö киас да пуктис пöчылды ныр вылас. Старукаыд и нюмдiс да серöктис радысла:

– Ыджыд аттьö тэныд, дона нывка! Но и отсалiн тэ меным! Любö вöли меным отсасьнытö?

– Любö, – эз вермы пöръясьнысö Катюша.

Пöчылд эсэся и юалис, кытчö нывкаыс мунö, мый корсьö. Катюшаыд и висьталiс ставсö.

– Кöсий тай тэныд отсавны да ог вермы: ог тöд ме, кöни тэнад батьыд, шога ышловзис пöчыс. – Но верма тэныд козьнавны öти донатор: тайö ва. Сийöс юём бöрын став ловтöмыс ловзьö. Гашкö, коркö тайö ваыс и отсалас тэныд.

Босьтис саревна дона васö, аттьöалис старукаöс да водзö мöдiс батьсö корсьны.

А сийö кадö мунис Настюша саревна пемыд вöртi, а вöрыс оз и помась. Ордымыс то вылө кайлас, то улö лэччас. Вой нин помассис. Асыв пуксис. Петис коркö саревна бобöнняя видз вылө. Видзөдө: сулалө видз шöрын керка: паськыд өшиньяса, восьса өдзөса, керка вевт вылас петукъяс сьылöны. Пырис саревна керкаас, а сэнi пöрысь пöч пукалө да чулки кыö.

– Ноко, бабё! – шыёдчис пёчыс дорё Настюша да тшөктіс. – Мудзи ме да тшыгъялі, вай вердышт менё да узыны водтөд.

Пёчылд видзөдліс нывка вылад да шуис:

– Вердышти ме эськё тэнё да узыны водтөді. Да вот ог вермы, внуклы колё шоныд чулки помавны. А мый тэд колё? Ачылд босьт пызан вылысь да сёй.

Матыстчис саревна пызан дорё, а сэні сөмын пызь куйлө.

– Мый нё тэ пөръясян? Кыдз нё пызьсё позьё сёйны!... – дөзмис саревна да тапнитіс кокнас.

– Оз позь, дерт! – серөктіс пёчылд. – Медым сёйны сійөс, пызь пытшкё колё кольк чегны.

Саревна тэрыба кольк чегис.

– Мый нё, бабё, пөръясян? Ёні нин сійөс дзикөдз оз позь сёйнытө...

– Оз позь, дерт! – бара серөктіс пёчылд. – Медым тайөс сёйны, колё сов содтыны да бура гудравны.

Саревнаылд өдйө и тайө уджсө вөчис.

– Позьё оз ёні сёйнысө?

– Оз, дитяёй. Ёні колё няньшомсө пуктыны пачө, сэссия нин сёяныс лөө дась.

Саревнаылд няньшомтө пачө суйис. Кор нин пөжасис, пачсьыс бөр перйис да шензис:

– Аттө дивө, нянь артмис!

А пөчөылд нюмъялө:

– Сёй, нылук, пось няньтө өдйөджык!

Настюшаылд няньнад бабыдкөд юксис. Ассьыс джынсө сёйис да и шуө:

– Аттө дивө, кутшөм жө нин чөскылд няньылд вөлөма!

– А кыз нө, – шуыштіс бабыд. – Ас пөжалөм няньылд пыр чөскылдджык, ас вөчөм уджылд пыр лөсьылдджык. А кытчө нө тэ, нылукөй, туй кутан?

Саревнаылд и висьталіс ставсө.

– Ог ме вермы тэныд отсавнытö, – шога вочавидзис бабыд, – ог тöд ме, кöни тэнад батыд. А чöскыда вердöмысь козьнала тэныд зарни тупöсь. Тайö тупöсьсö сөйöм бöрын вежöртöмысь вежöра лö.

Босьтис саревна тупöсьсö, аттьöбалис пöчтö да водзö мöдöдчис батьсö корсьны.

А сэккості тіралігмоз муніс ас туйті Агнюша саревна. Вöрыс гөгöр пемыдысь-пемыд, шуштöмысь-шуштöм, оз и помасьлы. Ордымыс то вылö кайö, то улö лэччö. Петіс тай коркö саревна вöрысь пöлöзничаа видз вылö. Видзöдö, сулалö видз шöрас керка: паськыд öшиньяса, восьса öдзöсьяса, керка вевт вылас петукьяс сьылöны. Пырас саревна керкаö, а сэні пöрысь пöч пукалö, косьмöм кинас пидзöс вылын пукалысь каньöс малалö.

– Видза олан, мича аньöй! Кытчö нö туй кутан?

– Муна ме, бабуш, батьöс корсьны, ылыс сарство-государствоысь öксыöс.

– Верма ме тöдмавны, кöни тэнад батыд. Сöмын эзысь рöмпöштан меным колö. Коркö важöн нин сійöс ме гөбöчö воштылі. Кöсьян кö батьтö аддзыны, гөбöчö пырав да рöмпöштанöс корсь.

Повзис саревна, но вöчны нинöм, батьöс колö корсьны. Лэччис Агнюша гөбöчö: гөгöр черань везьяс öшалöны, ки пыдöс ыджда чераньяс виж синьяснас сы вылö видзöдöны. Саревнаыд синсö куньöмön водзö муніс. А водзын стен вылас мыгөрьяс йöктöны, кок улас шырьяс котралöны, чужöмас кутшöмкö гагьяс зурасьлöны. Горödлас саревна повзёмысла да водзö воськовтас, горödлас да воськовтас, везсö чужöм вывсьыс вештас да водзö воськовтас. Пемыдінас саревналön ки улас рöмпöштаныд веськаліс. Радысла сійö весиг полöмсö вунöдіс. Котöрön бöр гөбöчсьыд кайис.

– Со аддзи, бабуш, рöмпöштантö!

Старукаыд босьтис да пондіс броткыны-шуавны:

– Атöкö-такötö, эньöкö-веньöкö! Петкöдлы, кöни эм ылыс сарство-государствоса öксы.

Рөмпөштаныд лөз биөн өзъяс да старукаыдлы ставсө петкөдлас.

– Батьыд тэнад, нылук, улыс сарствоса өксыөс дөзмөдөма, медрადейтана писө, сылысь Пезгагсө, кокнас тальччөма. Сійө батытө му пытшкө кыскөма, унмовськөдөма да вежөрсө гартөма. Нинөм өні сійө оз төд муывса олөм йывсьыс, сы ни садь узьө.

Ырөбөн бөрддзис саревна:

– Мый нө өні меным вөчнысө, батыөс өні ог нин аддзылөй.

– Дугды бөрднытө да менө кывзы. Пырөдчан тэ улысса сарствоө тадз: мунан со тайө туйөдыс, туй помас аддзан коз, козъяс горс, горсьяс пыран да сійө жө кадас кытчө колө веськалан. Сөмын төд вылад кут: повны кө кутан, ачылд лэчкө шедан, му улө нэм кежлад колян.

Аттөбалис Агнюша саревна старукаөс да мөдөдчис батысө корсьны.

Мунис-мунис, мунис-мунис Агнюша туйөд. Коркө-некоркө и воис коз дорө. А коз дорас нин кыкнан чойыс воөмаөсь да сулалөны. Оз төдны, кытчө колө мунны. Аддзысисны чойяс, куимнаныс бөрддзисны, окасисны-кутлысисны, гажныс өта-мөдсьыс бырөма да. Висьтасисны, кодкөд мый лоис.

Кавшасисны найө коз вылас. А сэни ставыс сідз, кызди и пөчылд висьталис. Аддзисны горс, пырисны сэтчө да веськалісны улыс сарствоө. Сэни ставыс пемыд, сөмын ылын югъяліс бипур. Матысчисны чойяс бипур дорө, сы гөгөр йөз узьөны, а на костын и налөн батыыс. Кутисны чойяс батыөс садьмөдны, некыз оз вермыны. Воис Катюшалы дум вылө дона ваыд. Резыштіс сійө ванас батылысь чужөмсө, ки-коксө. Батыыд и садьмис.

– Кодъяс нө менө садьмөдісны? Ог ме тіянөс төд... Вай мунөй татысь!

Муртса эз бөрддзыны куим чойыд. Воис сэки дум вылө Настюшалы зарни тупөсь. Сетіс сійөс батыыдлы видлыны. Батыыд нывъяслысь нянь тупөсьтө сөйө да быд курччөмөн юрвежөрыс пыр ясыдджык лоө: и чужан муыс, и дона нывъясыс, и аслас сарство-государствоыс дум вылас уси. Тайө здукас көнкө грым-грам кыліс.

– Но, мый нө ме тані вөча? Коді нө татшөмасө грымгө? Ой, ой, нывъясөй, вай өдйөджык пыштъям татысь!

Кватитіс өксы саревнаяссө да петан горс дінө пышйыны пондісны. Грымгөмыд бипурдорса сулалысьястө садьмөдіс. Пондісны найө вөтчыны биөн резсигмос. Вөтчөны-буксөны.

Өксы аслас нывъяскөд ыджыд өдөн пышйисны да пышйисны... Коркө и вөля вылө воисны.

Мунісны, мунісны да воисны асланыс сарство-государствоө. Став йөзыс петісны налы паныд. Быдөн радөсь, мый мөд сарөс оз ков бөрийыны. А саревнаястө быттьө вежөмаөсь. Найө сэтшөм авъяөсь да шаньөсь: Агнушалөн полөмыс вошөма, Настюшалөн – ышнясьөмыс бырөма, а Катюша пөръясьнысө дугдөма.

Өксы радысла сэтшөм ыджыд гаж дасьтис. Ёна и гажөдчисны, йөктісны да сьылісны: и посни, и версьтө.

И ме тшөтш көйи ветлыны, но эг вермы. А каньөй сәні вөлі, пөттөдз йөв юис. Рака ветліс, рушкусө рокөн тыртис. Шыр тшөтш вөлі, пельөсас шарөдчис, мойд лөсьөдіс.

*(Мойдсө лөсьөдіс Носкова Вероника)*

## **Мой да көч**

Олісны-вылісны сук Парма шөрын, джуджыд ю бокин Мой да Көч. Көч лун-лун тривкъяліс-чеччаліс пармаын, пуяс костті, лудъяс вывті, а Мой пыр уджаліс: аслыс оланін лөсьөдіс. Ёна найө ёртасисны да өта-мөд дорас гөсьтитны волісны.

Өтчыд Көч пөжаліс моркова шаньга да мөдөдчис Мой ордө гөсьтитны. Мунө Көч виччысьөмөн, медым не усьны да пирөгсө не пазөдны. Воис ю дорө, а поскыд и абу.

– Но, кыз нө юсө вуджа? Пирөгсө али мый көтөда? Да и вартчынысө өд ог куж.

– Тэ нё мый сулалан, он лок?

– А кызд нё локта, поссё разьёмыд да?!

– А тэ вартчы.

– Ог куж, да и пирёгсё кётёда.

– Кызд он куж? Сідзкё, пыжсё босьт да лок.

Пуксис Кёч пыжё, а сыннытё оз куж. Шенасис, шенасис пелысён,  
скёрмис дзикёдз да пелыссё ваё и шыбитіс.

– Тырмас, Мой. Ме тэ дорё сэсса некор гёсьтитнытё ог волы.

А Мой аслас уджён юрвывтис тырёма, Кёчёс оз кывзы.

– Но, инё, эн и лок...

Сэксянь Мой да Кёч оз и волывлыны ёта-мёд дорас. Кёч кырсь йирё,  
Мойысь гаж тшёкыда бырлё. Мой кырсь йирё да дум кутё, мыйла нё Кёчыс  
гёсьтитнысё сы ордё оз волы.

*(Мойдсё лёсьёдіс Королёва Ольга)*

## **Мича ныв**

Олісны-вылісны старик гозья. Вёлі налён ёти пи. Коркё-некоркё воис  
кад сылы гётрасьны. А чужан сиктысь гётыр вылё сылы некоді эз шогмы.

– Но, айё, мамё, мёда ме йёз муё аслым гётыр корсьны.

Ай-мам бласлёвитісны писё ылі туйё.

Восьлалё отка пиюд ярьюгид шонді улын, веж туруна туйёд, дум кутё:  
«Кысь нё сэтшом нывсё аддзас? Мед эськё сійё вёлі медмича, медся шань,  
мед сыысь бурыс мёд эз вёв.» Дыр ли муніс сійё, этша ли, некод оз тёд, но  
мудзысла пуксис пожём пу улё, синсё кунис да унмовсьны нин мёдіс.

Друг кыліс асьыс нимсё: «Иванё, Иванё!». «Но! Коді нё тані вермас  
менё тёдны?» – шёйёвошис зонмыд. Синсё восьтіс, а сы водзын Кёчиль  
сулалё.

– Босьт менё аскёдыд, – шуис Кёчид.

– Кысь нё тэ тёдан менсьым нимёс?



– А ме ставсö тöда. Босьтан менö аскöдыд?

Иван думыштис да шуис:

– Босьта. Кыкнад век на гажаджык лоö ыли туяд.

Мунöны найö кыкөн, мунöны. Войын узьöны, лунын мунöны... То вөрö пырасны, то луд вылö петасны. Со и луд вылö петисны. А сэнi чом сулалö. «Аттö дивö, – думыштис Иван, – сы мында ветла, а некор на эг аддзыв. Тани со чом сулалö.» Таркöдчисны, пырисны чомйö.

– Бур лун! – шыасис Иван, кöть и некодöс эз аддзы.

Чомйын вöли сэтшöм пемыд, кöть синтö писькöд – нем он аддзы. Кор синмыс неуна велалыштис пемыд дорас, Иван аддзис: керка пытшкöсыс омöлик, стен бокас сулалис лабич, ичöтик пызан да пач. А пач вылас куйлис ээв нин пöрысь баб, пöрысьысла дзикöдз нин косьмöма, став лыыс тыдалö.

– Но пыр нин, прöйдит, – шыасис бабыд, кор казялис, мый Иван сийöс аддзис. – Тöда ме, кодi тэ да мый корсян. Весиг верма отсавны.

Иван пыр ёнджыка и ёнджыка шензьö. А бабыд водзö сёрни кутö:

– Тэ буртор вöчин Кöчтö аскöдыд босьтöмнад. Öд тайö абу прöста Кöч – вөрса пемöс. Кöч мыгөр саяс Гундырыд дзевис мича нылöс. Босьтан кö сийöс гöтыр вылö, ме тэд висьтала, кыздз позьö мездыны нылöс.

Иван пуксис лабич вылö да думыштчис: «Оз кö нö гöдитчы, быть ков-мас гöтыр вылö босьтны. А кутшöм жö нин мелi тайö Кöчыс! А ме кö ог мезды, водзö кутас тривкьявны. А кодкö кö лыяс? Оз, некод оз лый.»

– Но, кывза, бабуш. Мый колö вöчны?

– Кор шондiыс лоö ылысса пу сайын, тэ мун шор дорö. Кöчтö быть босьт аскöдыд. Кор шорыс пондас ыдждыны, босьт содз тырыд васö да Кöчтö рез, и тадзи куимысь. Шорад сэк ловъя ва кутас визувтны. Гөгөрвоин?

Иван аттьöалис бабсö да мунис. Кор шондiыс матыстчис ылысса пу дорас, найö мөдöдчисны шор дорö. Видзöдiс, видзöдiс шор вылö. Со сийö пондiс ыдждыны. Иван котөрөн босьтис содз тыр васö да резис Кöчтö.

Көчүд повзис, көсйис пышйыны, но Иван удитіс нин мөдысь резны, и көч куыд шөри потіс. Иваныд аддзис мичасысь-мича нылөс. Резыштіс ванад, и нылыд синъяссө восьтіс. А син пырыс лөз енэжыс тыдалө, синкымыс быттьө съод кунича, вом дорыс – юмов тусь, бандзибъясас быттьө гөрд дзоридз дзордзалө, кучикыс сэтшөм еджыд, мый весиг сөнъясыс тыдалөны. Нылыд оз мун, а быттьө кывтө. Сылөн сёрниыс – тувсов шор дзользьөм. Нюмдыштас – ставыс гөгөр югзьө.

Иваныд пыр жө сійөс гөтыр вылө босьтіс. Ворсісны ыджыд-ыджыд гаж да пондісны овны лючки-бура. Гашкө и өнөдз на олөны-вылөны.

*(Мойдсө лөсьөдіс Мельничук Наталия)*

### ***Тувсов сёрни***

Таво водз шондөдліс, а сэсса бөр чорыдакодь көдздөдіс. А Висер сикт кытшалысь вөрыс зэв на кыз эшкын улын аддзис төвса унсө. Ачыс сиктыс эськө ки пыдөс вылө моз Висер ю бокө и пуксьыштөма. Сійөс кытшалысь пармаыс помтөм-дортөм.

И водз ышмысь тулысыс пөрысь ошкөс пөрйөдліс: Михайлөлы шоныд руыс нырас вартіс. Сылы петны лои шоныд гусьыс, сейны окота. Ветлө-мунө парматі. Көчөс вочааліс:

– Мый нө, Михайлө, водз тай таво унтө пальөдөмыд?

– Да, тулысыд тай пөръяліс менө таво. А ог каитчы водз чеччөмсьыд. Вөр-ваыс кутшөм сөстөм да мича! Татшөм тулыстө ме эг на аддзыв.

– Хе, эн дерт! Став гажа кадсө узян да! А төвнад... Менам пасьөй еджыд, лымйыс еджыд-еджыд, пуясыс еджыд пасяөсь жө, өта-мөдыскөд кутчысьөмөн сулалөны, шувгөны-сёрнитөны. Лөньөмөн кө кывзыны, весиг шорлысь шульгөмсө позьө кывны кыз йи улысь, а вөсни йиа инъястыс весиг ру кайө. А лым кузяыд ветлөдла-чеччала, мичаа и серпасася. Ме мозасө некоді оз куж!

– О-о-о... Көсөй, кывзы, а ме кө лым вывтыыс ветлөдлышта, менам арт-мас жө?

– Вай эн сөр! Тэнад өд варгыль кокъясыд, абу мелөн кодь тэрыбөсь да пелькөсь. Ме өд лым чир кодь кокни и лым пытшкад ог вөй, а тэ...

– А төвнад збыль али мый сэтшөм гажа овнысө?

– Дерт гажа да лөсьыд, гут-номыйд нөти абу. Сөмын өти тырмы-төмтор...

– Кутшөм нө еджыдінас, сөстөминас вермас лоны тырмытөмтор?

– Еджыд, сөстөм, а сөйнытө нинөм. Пипу кырсь төвбыд йирны лөө, сійө гажтөмтө.

Ошкыд ылаліс вылө-вылө качөдчысь енэжө. Көчыд сэк кості водзө сөрни нуөдө:

– Эн шогсы, Микайлө, өтлаын олігад огө на шогө усьө. О-о-о! Видзөдлы, таті руч келалөма, ме бөрся жө көнкө...

– Көсөй, керөсад эн на кайлы? Кутшөм нө сэн вөрыс? – торкис Көчөс Микайлө.

– А? Мый?

– Керөсад нө кызд-мый?

– А сәні гажа! Эрда кодь керөсад водзджык сылө. Тулыснад кызд тай чеччыштап лым пиас да ваө веськалан.

– Кызд ваө?

– Водз тулыснад лым увтыыс ва визувтө. Да, төвнад лөнь-лөнь. А сәссия нюммунас шонді, вежөдасны коръяс, кызд гар көрөн өвтө, гөгөр шоръяс бузгөны.

– Татшөм мичтө ме аддзыла быд во, тайө каднас ог нин узь. Торъя нин гажа, кор вөрыд вежөдө, гаръяс потөны, сәссия регыдөн петөны-вежөдөны коръяс, быттьө дыр узьөм бөрын ош пиян тильөны-восьтөны синъяссө. А Висер юыд кывтө-кылалө, өти йи пласт мөдөс сүөдө, быттьө ош мам пияныс бөрся вөтлысьө...

Сёрнитö тадз ош öтнас нин. Кöчыд öд полысь: гораджыка кöнкö рутш-ратш муніс, сійö и пышйис öдйöджык, мед некод оз сёй.

– Ок, кöчöй, кöчöй, полысь сьöлöм...

А Михайлö дыр на сулаліс да шензис вөр-валөн мичлуннас, весиг вунöдіс кынöмпöt йывсьыс.

*(Мойдсö лöсьöдіс Ивашова Елена)*

### ***Лым усьöм – мый тайö!?***

Тайö рытö пукаліс Гöна Кок öшинь водзын да видзöдіс лым сапкöм вылö. А юрас вöлі сöмын öти мöви: «Кор нин гожöмыс волас! Кор нин пондас лэбавны гут-гаг!» Татшöм гажтöм мөвпъяснас чераньыд төвнад шочакодь пукавліс кынмöм öшинь дорын, а юрас вöлі мамыслөн мойдöмыс. Тайö мойдас эм сэтшöм му, кöні во гөгөр шоныд, а кынöмыд пыр пöt, во гөгөр лэбалöны сэні быдсяма «пötкаыс». И сэтшöм окота лои Гöна Коклы волыны тайö шоныд инас. И кымын ёнджыка мөвпаліс, сымын ёнджыка крепмис сьлөн кöсйöмыс мунны тайö шоныд муас.

Мöд асывнас жö Гöна Кок петіс кузь туйö. Зэв дыр ковмис мунны сылы, уна транспорт вежны: и автобус, и метро, и поезд. А паськыд саридзсö вуджис ыджыд караб вылын.

И со тай нин мян повтöм да удал Гöна Кок восьлалö Африкаса вөрті. Быд ловья ловыс тані тырыс, татшöм олысьяссö зонмыд некор на эз аддзыв. Первойсö весиг поліс, а регыдөн велалыштіс да весиг уна ёртъясö аддзис. Найö и висьталісны Гöна Коклы татчöс оласног йылысь: мый да кызди колö овны-вöчны, медем татчöс вöрын ловъяөн кольны. Поздысис Гöна Кокыд шөркодь пу вылын. Быд лун пötтöдзыс сёйис, шонтысис шонді улын. Но пыр мыйкö сылы эз вöv лöсьыд, век мыйкö эз тырмы. Гөгөр ставыс тыр-бур, а сьöлöм вылас шуштöм. Шонтысьö шонді улын, а син водзас лым чиръяс помтöм-дортöм енежсянь сапкöны-усьöны. Кöдзыд кынмöм öшинь дорын ывла вылö видзöдö. Төвся кузь рытъяснас тайö медрайта-

на уджон вӱлі. Ёртъясыс казялісны, мый лунысь-лун Гӱна Кокыд вежсьӱ, сылӱн ӱзысь синъясыс пондісны кусны. Тайӱ ӱна майшӱдліс найӱс.

– Гӱна Кок, гашкӱ, тӱныд лечитысьӱс корны, мыйкӱ зӱв нин ӱна веж-син?

– Гашкӱ, тӱнӱ змей курччис? Висьтав, мый нӱ тӱкӱд лои?!

Ставӱн юасьӱны сылысь. А Гӱна Кок ланьтӱмӱн видзӱдліс енӱжӱ да шуис:

– Ті тӱданныд кутшӱм мича, кор усьӱ лым?

Сылӱн выль ёртъяс шемӱсӱ усисны:

– Кысь нӱ миянын татшӱм дивӱыс!?

– Гашкӱ, сӱні выліас и лым, но миянӱдз воӱ сӱмын зӱр.

И гӱгӱрвоис Гӱна Кок, мый кӱсйӱны найӱ аддзывны лым усьӱмсӱ. И пондіс Гӱна Кокыд висьтавлыны ёртъясыслы, кыдзи сйӱ пукавлӱ кынмӱм ӱшинь дорын да видзӱдӱ мича серпассӱ. Помтӱм-дортӱм енӱжсянь, сьӱкыд кымӱръясысь сапкӱны-усьӱны му вылӱ пушыд лым чиръяс. Найӱ радлӱны, йӱктӱны-гажӱдчӱны му вылӱ усьтӱдз. Висьталіс и сы йылысь, кутшӱм дженъыдик, но сӱтшӱм гажа да мича налӱн нӱмыс. Аслас висьтӱн Гӱна Кок кӱсйис гӱгӱрвоӱдны лым усьӱм мича серпассӱ.

– Бурджык ӱтчид аддзывны, – ышловзисны Киккулькан да Амаду, Африкаын олысь чераньяс. – Кыдзи сйӱ ва войтъясыс кынмӱны и лӱбалӱны сынӱдын лӱбачьяс моз?... Син водзӱ сувтӱдны лым усьӱм серпассӱ зӱв сьӱкыд. Тайӱ сӱмын мойдын овлӱ...

Нӱшта на ӱнджыка гажтӱммис Гӱна Кок, ӱд сйӱс некод ӱз гӱгӱрво. Ёртъясыс дзикӱдз шӱйӱвошисны. А Гӱна Кок кык лун нин ӱз петавлы позсыс. Ды-ы-ыр мӱвпаліс сйӱ, кыдзи петкӱдлыны Африкаын олысьяслы лым усьӱмсӱ.

ӱти асылӱ петіс шонді да койыштіс ассыс югӱрсӱ. Пӱлыштіс небы-дик тӱвру, и сӱстӱм енӱжсянныс пондіс усьны лым.

– О-о-о! – сӱмын и артмис шензӱӱмысла Африкаса олысьяслӱн.

Тайё здукё пу йылас пукаліс Гёна Кок да лэдзалис лым чиръяссё шеньзём ёртъяс вылё. Сійё кык лун чөж кыис пöчнас на козьналём кысян емнас кокни да еджыд лым чиръяс. И öни пукаліс да нюмъялёмөн видзöдiс ёртъяс вылё. Найё дурисны усьысь лымкöд: куталисны, пöлялісны, йöктiсны... Африкаса олысьяс öни бура нин гөгөрвоисны, мый сійö сэтшöмыс – лым усьём.

– Аттё, Гёна Кок! Аттё!

Гёна Коклы вöлі зэв нимкодъ сыысь, мый кужис петкöдлыны Африкаса ёртъяслы тайё шемöсмöдана поводдя петкöдчöмсö. А юрас воис татшöм мöвп: «Аски жö мöдöдча гортö!» И котöртiс радпырысь колльöдчыны ёртъяскöд.

*(Мойдсö лöсьöдiс Ивашова Екатерина)*

### ***Коді лоö көзяинён?***

Вөр дорын, пашкыр лыска козлөн кырсь костын оліс-выліс Ном. Кöсйис – вөрö пыраліс, кöсйис – паськыд веж луд вылё петалис. Оліс-выліс, эз норасьлы.

Öтчыд сылөн пашкыр лыска коз дорад воис челядь чукөр. Ыджыд шум-зык лэптiсны, бипур öзтiсны, чилзöны, пышъялöны, гөгыльöн весиг номлы лыйисны. Повзис ном да öдйö пырис аслас дзескыд оланінас.

Коркö-й сэсся ставыс лөнис. Петіс Номйыд, лыс сайö дзевсис, кыйöдчö, гашкö, кодкö на кольччис. Но некод эз нин вöв, ставён мунöмаöсь. 3-3-3! – лэччис челядь ворсаніно Ном. Видзöдö: турунсö ставсö таялöмаöсь, сэтчöдз дурöмаöсь-пышъялöмаöсь. Челядьыд весалöмаöсь ас бöрсянныс, а сэтөр улас мыйкö вунöдöмаöсь. Тайö куш банка вöлöма...

– Тук-тук-тук, кодкö эм гортын?

Некод оз шыась. Сідзкö, тані некод оз на и ов, немтор на тані весиг абу. Уйкнитіс-пырис Номйыд банка пытшкас да овмöдчис сэтчö. Кутшöм тані лöсьыд, абу дзескыд и...

Оланінсö аддзис Ном,  
Уджлы тані абу пом.  
Вöчö аслыс пуксянін,  
Вольсаліс и узьланін.  
Пыртö турун, пыртö кор,  
Быдтор сылы колантор!

Сэтöр куст дорті лэбö-дзизгö Гут.

– Тук-тук-тук. Кодкö эм гортын?

– Ме, зіньгысь Ном, а тэ коді?

– А ме дзизгысь-дзазгысь Гут. Позьö тэкöд овны?

– Вай пыр. Кыкөн овнытö öд гажаджык!

И пондiсны найö кыкөн овны: зіньгö-лэбалö Ном, дзизгö-дзазгö Гут.  
Олöны-вылöны, шог оз тöдны, öтлаын удж нуöдöны. Öтчыд кылöны найö:  
кодкö игöдчö.

– Тук-тук-тук, кодкö олö тані?

– Ме, зіньгысь Ном!

– Ме, дзизгысь-дзазгысь Гут. А тэ коді?

– Ме мича Бобув, быттö кодзув. Позьö меным тiянкöд овны?

– Позьö, – эз радпырысь шу Ном. Веж луд дорад оліс да тöдіс Бобувъ-  
яслысь олан сямсö. Уджын пöльза дерт, оз ло, но лэдзис: мед олö.

Пондiсны овны куимөн: зіньгö-лэбалö Ном, дзизгö-дзазгö Гут, а мича  
Бобув рөмпöштанö лун-лун видзöдчö да ассьыс мичлунсö ошкö.

– Тук-тук-тук! Коді гортын? – кыліс öдзöс дорын.

– Ме, зіньгысь Ном!

– Ме, дзизгысь-дзазгысь Гут!

– Ме, мича Бобув, быттö кодзув! А тэ коді?

– А ме Лöдз! Курчча, он кö менö лэдз! – шуис скöрысь Лöдз, нем  
юавтöг пырис да водіс диван вылö.

Дзескыд лои банкаад нёльнад. Номлөн төд вылас уси пашкыр козлөн кырсь костад олөмыд. Лөдз дзикөдз асьсө көзяинө пуктис, ышнясьө, куйлө диван вылын да уджъяс сөмын сеталө: вай сійөс, вай тайөс. Бобув рөмпөштан дорысь оз вешйив, удж оз төд. А Ном да Гут кыкөн став уджсө бергөдөны... Татшөм олөм-вылөм пансис Номлөн. Олісны-олісны да коркө-некоркө и Номлы татшөм нога олөмыд дзикөдз дышөдіс. Керкаын пансис вен – кодлы лоны веськөдлысьөн-көзяинөн.

– Ме, – зыньгө Ном, – татчө медводз овмөдчи. Ме и лоа көзяинөн!

– Ме тэныд отсаси керкаад удж вөчны, ме вольпасьяс лөсьөді, – дзизгө Гут. – Ме лоа көзяинөн!

– Ме тані медмичаыс, медшаньыс. Ме лоа веськөдлысьөн! – шарөдө борднас Бобув.

– А коді медся ыджыд тані? – венө пырөдчис Лөдз.

– Тэ, тэ, тэ! – ставөн повзисны Лөдзсьыд.

– А коді медся вынаыс?

– Тэ, тэ, тэ! – дзикөдз пельөсө йөртис Лөддзыд банкаса олысьястө.

– Сідзкө, нинөмла вензьыны. Ме көзяиныс тані, дай ставыс! Ассьым Мазі ёртөс татчө овмөда.

Аскинас воис на дорө Мазі: 3-3-3!

– Гиль-голь! Коді гортын?

– Но локтін, дона ёрт, вай пыр шойччы-шонтысь. Ном, вай чайсө кисьт миян гөсьтылы, дай өдйөджык.

Эз көйы Номйыд кывзыны Лөддзөс, и бара на керка пытшкын лыбис зык. Өні нин банкаын олысьяс костө пырис Мазі:

– Энө вензьөй. Көзяиннас лоа ме. Ме – медся вына да ыджыд, ме – медся мича! А коді менө оз кывзы, ме сійөс чушка!

И ставнысө банка-керкаысь вөтліс. Ставөн скөр көзяин-Мазысь повзисны да пышйисны. И пондіс банкаын овны Мазі өтнас. Олө-вылө: шог ни маета. Керкаын ставыс эм, сөмын киястө нюжйөдлы да вомад сюяв.



Өтчүд садьмис Мазі, а керкаын сэтшөм көдзүд, керка тыр лым пырөма. Треситчө-ветлө керкаті, а лымйыс пырө и пырө. Мазі нинөм оз путьмы өтнас вөчны.

– Ой, ой! Кыдз нө лым пөвстас ме мөда овны? Колө өдзөс да кильчө вөчны... Ветла отсөг корсьны...

Лэбзис Мазі отсасысьясөс корсьны. Лэбаліс да лэбаліс, некысь ёртъяссө оз аддзы. Пуксис коз вылө шойччыштны. Аддзө: розясьлөм кор сайын пукалөны Лөдз, Ном, Гут да Бобув. Номйыд, вөлөмкө, аслас важ керкаас ёртъяссө корөма. Ичөтик оланінад ставөн оз и төрны, корйөн вевттъысьөмаось, пукалөны.

– Дона ёртъяс, отсалөй меным керкаө вөчны кильчө да өдзөс. Дзикөдз кынми...

– А коді нө миянөс вөтліс банка-керкасьыс?

– Ме гөгөрвои асьыым мыжөс. Прөшша кора тиянлысь, водзө ог кут тадзисө вөчны.

Недыр сёрнитыштөм бөрын ставөн воисны өти кывйө: пондасны овны өтсөгласөн. А веськөдлысьнас некоді оз ло.

И пансис кыпыд удж. Өтувъя уджнад өти лунөн и лои выльмөдөма керкатө. Лөсьөдісны-мастеритісны өдзөс да кильчө, весиг пач сувтөдісны. И пондісны овны-вывны ёртъяс өтсөглас, шум ни зык.

Гут, Лөдз, Мазі, Бобув, Ном,  
Оз аддзыны радлы пом.  
Банка пытшкын олоны,  
Ёрта-ёртлы колөны.  
Сэні пач и өдзөс эм,  
Көдзүд найөс оз нин вен.  
Йөктө Лөдз, и йөктө Мазі,  
Йөктө Ном и весиг Гут,  
Бобув оз куж да эз кут.

*(Мойдсө лөсьөдөс Кожевина Надежда)*

## *Кузьма Батькович да Марпида Саревна*

Олісны-вылісны, өти грездын петук Кузьма Батькович да сылөн курөг-гөтыр Марпида Саревна. Олісны найө өтсөглас да ёнасө эз зыксывны, а пукалісны да ёна котсьывлісны-сёрнитісны сёр рытөдз. Но өти лунө Кузьма Батьковичөс вузалісны мөд сиктө. Колис Марпида Саревна өтнас. Оліс-выліс өтнас, эз нин котсьыв сёр рытөдз, а пыр оліс ланьтөмөн, лунысь-лун гажтөммис.

Өти мича лунө Марпида Саревна чужтіс нель кольк, но весиг и тайө сылысь гажтөмлунсө эз пальөд. Пукаліс лун-лун колькъяс вылын да Кузьма Батькович понда гажтөмтчис.

Пукаліс-пукаліс да коркө-некоркө и чужтіс нель чипанпиөс. Найө сэтшөм ичөтөсь да мусаөсь вөліны. Өти чипанци дзик Кузьма Батькович кодь. Өні нин курөглы дзик некор вөлі гажтөмтчынытө, син да син колө вөлі тайө нель чоя-вока бөрсьяс. Ок и гажөдісны мамсө. Курөг-мамыс лун-лун котсьө-пышъялө на бөрся да видзө, медым каньлы сам вылө оз шедны, ва гуранө оз пырны, өдзөс костө оз шедны. Рытгорув курөгыд дзикөдз мудзө, садьтөгыс унмовсьө.

Но коркө-некоркө чоя-вока быдмисны. Мамөс дөзмөдны эз нин вөв окота. А мамыс сөмын на и думыштіс: «Но и верми жө ме өтнам найөс быдтыны, сөмын на путьмыны заводитісны. Көть шойччышта неуна.» И бара на сылөн син водзас сувтіс Кузьма Батьковичыд. Видзөдлас пи вылас – верөсыс син водзас пыр жө и сувтас.

Матыстчис мамыс дорө Микула Кузьмичыд, медмича да медзбой пиыс, да и шуө:

– Мамө, ми тан сёрнитчим ставөн. Көсьям ветлыны батьнымөс корсьны и тэнө сьорысь босьтам. Өтнадлы өд тэныд гортад гажтөм лоө.

– А мый нө, вай ветлам и эм. Дыр-ө поэьө батьтөг овны?

Заптысисны найө сёянөн да мөдөдчисны воча сиктас батьла. Мунісны-мунісны туйөд. Друг туй боковысь аддзисны труба. Мамыс сөмын на

паськөдiс вомсö, медым шуны труба йылысь, а чипанпиян уйкнитiсны-пырисны трубаад. Мамныс пондiс горзыны на вылö:

– Ноко, öдйö петöй сэтъысь! Сэни, гашкö, кань пукалö, а тi сылы дзик гыжъяс и веськаланныд.

Видзöдö курöг-мам: петöны трубаысь чöртпиян.

– Аттö дивö! Кутшöм звер-пöтка нö тайö? Көн нö менам кольквиж шондiясöй: кык нылöй да кык пийöй? – пондiс шогсыны Марпида Саревна.

– Мамук, мамук эн пинясь, – шуис медiчöт Феклуша нылыс. – Тайö ми, тэнад челядьыд.

– Кутшöм нö тi челядь? Менам челядь мичаöсь, шондi рöмаöсь, а тiян вылö зывöк видзöднысö: сьöдöсь, тшын дукаöсь.

– Мамöй, лок мунам шор дорö. Ми мыссям да бөр лоам мичаöсь.

Воисны шор дорö, мыссисны. Бөр кольквиж да муса ёкмыльясөн лосисны. Мамныс быдөнöс окалис-мелалис.

Сэсся мөдöдчисны водзö. Воисны воча сиктö, ветлисны-корсисны батьсö. Рытланьыс аддзисны сийöс. Радыс чипан пияндылөн: котсöны-чеччалöны.

– Батьöй, мунам нин гортö. Дыр ми тэнö корсим...

– Но кызди нö ме муна? Со көрт сайын менö видзöны да. Эг нин öтчыд көсйы пышйыны, да со дзескыдинö йöртисны.

– Ог, некытчö ог мун тэтöг! Татчö кольчча, – бөрддзис Марпида Саревна.

– Ми тöдам, мый колö вöчнытö! Ми тöдам! – öтвылысь горöдисны челядьыс. – Батьö, ми тэнö мездам!..

– Мый нö тiян вильыш юръясад бара воис? Вунöдинныд трубагö туй боксыд? – öлöдiс дурöмысь ныв-писö мамыс.

И пондiсны öта-мөдсö торкөмөн висътавны чипанпиян, мый колö кодйыны мусö. Сидзи и бөр вöля вылö налөн батьыс веськалас. Шуöма – вöчöма. Чоя-вока зiля кодйисны мусö. Тадзи мездiсны челядьыс батьсö, сэсся радпырысь ставөн мөдöдчисны гортаныс.

– Энлы, бaтьö! – шуис медичöт Феклуша нылыс да нетшыштіс бaтьыслөн бöжсыс некымын борд.

– Ой, тэ нö мый вöчан? – горöдіс ныв вылас петук-бaтьыс.

Но нылыд эз повззы. Котöртіс бaтьыслөн йöртöд дорас да колис сэтчö некымын нетшыштöм борд.

– Мед чайтöны, мый тэнö руч гусяліс. Сэки оз мöдны тэнö корсьны, – меліа сёрнитіс Феклуша нылыс.

– Кутшöм шань да мывкыд челядьöс быдтöмыд, дона Марпидабй!– сывйыштіс гöтырсö Кузьма Бaтькович.

Мöд луннас сиктын кывсис, мый матігöгöрса вөрö воöма руч да гусялöма петукöс.

*(Мойдсö лöсьöдіс Белых Анна)*

## **Теремок**

Муніс öтчыд мужик туй кузя да воштіс кашниксö. Аддзис сійöс дзизгысь-дзазгысь Гут да юасьö:

– Кодлөн тайö керкаыс? Коді тані олö?

Видзöдö: некод абу. Пырис кашник пытшкö да кутіс овны-вывны.

Со кашниклань лэбзис вöсни ныра Ном да юасьö:

– Кодлөн тайö керка-теремоыс? Коді тані олö?

– Ме, дзизгысь-дзазгысь Гут. А тэ коді?

– Ме вöсни ныра Ном.

– Лок мекöд овны.

И кутісны найö овны öтлаын. Котöртö варов Шыр да юасьö:

– Кодлөн тайö керка-теремоыс? Коді тані олö?

– Ме, дзизгысь-дзазгысь Гут.

– Ме, вöсни ныра Ном. А тэ коді?

– А ме варов Шыр.

– Лок миянкöд овны.

И кутісны найӧ овны куимӧн. Чеччышталігтырйи матыстчис кваксысь

Лягӧй да юасьӧ:

– Кодлӧн тайӧ керка-теремоқыс? Коді тані олӧ?

– Ме, дзизгысь-дзизгысь Гут.

– Ме, вӧсни ныра Ном.

– Ме, варов Шыр. А тэ коді?

– А ме кваксысь Лягӧй.

– Лок миянкӧд овны.

И кутісны найӧ овны нельӧн. Котӧртӧ туй кузя табъя кока Кӧч. Аддзис кашниктӧ да юасьӧ:

– Кодлӧн тайӧ керка-теремоқыс? Коді тані олӧ?

– Ме, дзизгысь-дзизгысь Гут.

– Ме, вӧсни ныра Ном.

– Ме, кваксысь Лягӧй. А тэ коді?

– А ме табъя кока Кӧч.

– Лок миянкӧд овны.

И кутісны найӧ овны витӧн. Лабутнӧя восьлалӧ кашник дорті пашкыр бӧжа Руч да юасьӧ:

– Кодлӧн тайӧ керка-теремоқыс? Коді тані олӧ?

– Ме, дзизгысь-дзизгысь Гут.

– Ме, вӧсни ныра Ном.

– Ме, кваксысь Лягӧй.

– Ме, табъя кока Кӧч. А тэ коді?

– А ме пашкыр бӧжа Руч.

– Лок миянкӧд овны.

И кутісны найӧ овны квайтӧн. Вӧрӧд дыр нин шӧйтіс-ветліс тшыг Кӧин. Аддзӧ сійӧ керка-теремоктӧ да юасьӧ:

– Кодлӧн тайӧ керка-теремоқыс? Коді тані олӧ?

– Ме, дзизгысь-дзизгысь Гут.

- Ме, вöсни ныра Ном.
- Ме, кваксысь Лягöй.
- Ме, табъя кока Кöч.
- Ме, пашкыр бöжа Руч. А тэ кодi?
- А ме лэчyd пиня Кöин.
- Лок миянкöд овны.

Олöны-вылöны найö öтлаын сизимöн. Некутшöм шог оз тöдны.

Локтiс-тапиктiс варгыль кока Ош да тотшкöдчис:

- Кодлön тайö керкаыс? Кодi тани олö?
- Ме, дзизгысь-дзазгысь Гут.
- Ме, вöсни ныра Ном.
- Ме, кваксысь Лягöй.
- Ме, табъя кока Кöч.
- Ме, пашкыр бöжа Руч.
- Ме, лэчyd пиня Кöин. А тэ кодi?
- А ме Ош – тiян вылын кöзяин!

Пуксис ош кашник вылö. Кашникыд жугалис, и став зверыс повзöмысла пышйис-разалис, кодi кытчö.

*(Мойдсö лöсьöдiс Пувковea Роза)*

## II. ВИСЬТЪЯС

### *Гожся асылö кöмтöг*

Ті петавлінныд-ö коркö гожся асылö кöмтöг? Ті аддзылінныд-ö коркö гожся асылö эзысь видз? Воськовтан кöмтöгыд турун пиас, быттьö кöдзыд шöвк вывтi мунан. Эзысь лысва öншйö кокъясад кöдзыдлуннас, полö дойдны. Синтö кунян, а мыштö кöдзыд би кывъяс мелiа нюлыштöны. И выныд содö, и морöсыд потö, и вылö-вылö качöдö тэнö тöдтöм, гөгöрвотöм вын. Сэтшöм лöсьыд лов вылад лолö! Лолалан асья чöскыд сынöднас, а пöтнытö он вермы.

Асья шондiыскöт öтшöтш садьмöны и дзоридзьяс. Найö лэптöны ассьыныс юрсö, нюжöдöны зарни шондiлань. И вочасөн эзысь видз пасьтасьö уна рöмөн лöсталысь сарапанö.

Воськовтiгад пыр нин видзöдлан кок улад, мед эськö не дойдны, не кедзовтны ичöтик ёртöс-дзоридзöс. Найö öд ми кодь жö мувывса олысьяс. Налён олöмыс оз коль весьшөрö. Быд сикас турунлөн аслыспөлöс коланлун: бурдöдö кутшöмкö висьöм либö мичмöдö му шарсö.

Тадзи мöвпалiг мунан-восьлалан, тöдлiтöг кытшовтан став видзсö. Со и чолöмасин выль лункöд, видзкöд, дзоридзьяскöд. А юрад чужöны выль мöвпъяс, выль сьöлöмкылöмъяс.

Ок, кутнiм лöсьыд петавны видз вылö гожся асылö кöмтöг!

*(Висьтсö лöсьöдiсны Тарабукина Лена, Туркина Настя, Мартынова Зина)*

### *Узьысь кöч*

Тайö лоёмторйыс вöли сэки, кор ме велöдчи нельöд классын. Миян класслы колö вöли дасьтыны выльвося гаж кежлö ас лöсьöдöм петкöдчöм. Ми лöсьöдiм вöрса пемöсьяс да Тöv Пöль йылысь ворсöм. Пемöсьяснас вöлины руч, кöин, ош да кöч. Ворсысьяснас бöрйим зонкаясö.

Миян петкөдчөмын шөр ворсысьнас вөлі көч. Ворсіс сійөс Коля нима зонка. Петкөдчөм серти Коля дзебсьө выльвося коз улө да петө сөмын сэк, кор локтас Төв Пөль.

Со и воис гажөдчан лун. Миян ворсысьяс ёна майшасьоны: мед сөмын кывъясным оз вун. Коля-көч дзебсис коз улө. Медым не кынмыны, дждж вылас вольсаліс важ шебрас, пуксис да виччысьө асьыс петөмсө.

Челядь чуксалөны Төв Пөльөс, гора горзөны. Төв Пөль петіс, ставнысө чолөмаліс Виль воөн. Коз гөгөр йөктісны. Локтісны став вөрса пемөсьясыс: и көин, и руч, и өш, и... А көні нө көчөд? Ставөн нин чукөртчисны, а көчөд век на абу. Но миян Төв Пөль эз шөйөвош – чукөстіс көчтө. Көчөд оз шыась. Нөшта мөдысь чукөстіс – некод оз шыась. Ставөн ланьтісны, виччысьөны: мый нө водзө лоө? Найө өд оз төдны, мый көчөд миян коз улын дзебсясьө. А миян асланым сьлөмным кын: петкөдчөмным некытчө оз туй, көчөд ставсө дзугис.

Коймөдысь чукөстөм бөрын көчөд бара эз пет. Сэки миян Төв Пөльным матычис коз дорө, лэптіс лыс лапсө. Ставөн адзисны, мый көчөд миян коз улад чөскыда узьө. Төв Пөльөд аслас бедьнас небыдика тшукөдіс узысь көчлы бокас – сійө пыр жө и садьмис.

Ставөн ваксыны-серавны пондісны. А Коляөд, узысь көчөд, повзөмысла став кывъяссө вунөдөма. Велөдысьлы ковмис сетны Колялы көчлысь кывъяссө.

Вот гажөд вөлі челядьлы татшөм лоөмтор бөрад. Ёна и кажитчөма налы узысь көчөд. Сөмын вот та бөрын Коляөс кутісны шуны «узысь көчөн».

*(Висьтө лёсьөдіс Артеева Людмила)*



## *Сюсь рака*

Тайё лоёмторыйыс вёлі важён нин. Отчыд батьё босьтіс менё аскёдыс вуграсьны. Ме зэв окотапырысь мёдодчи вуграсьны. Батьлы кёсйыси, мый ог мёд няргыны.

Лэччим ю дорё, аддзим бур места да сувтім сэтчё. Тайё каднас ю пёлён пукалісны нин вуграсьысьяс. Найё сюся видзёдісны таб бёрся, медым ёдйё кыскыштны черисё васьыс.

Лосьёдіс меным батьё шатин, самаліс нидзув, петкёдліс, кызди колё вёйтнысё. Босьті ме шатинтё ас киё, сувті бать моз: веськыд кокёс водзёджык, шатин пусё веськыд киё, самсё шуйга киё. Сэсся вёйти шатинтё. А самыд тай, мыйлакё, ваас эз во?! Кёні нё? Кытчё воши? Кыскышти ме шатинтё да вёлись казялі, мый вугырад ачым шеді. Ёдва мездіс менё батьёй вугырсьыд. А паныд сулалысь кыйсьысь дядьыд сьёлёмсьыс и сераліс ме вылын: «Бур кыйсьысь тай, асьтё со кыйин!» Скорми ме сэк дядьё вылад, кежышти бокёджык да лёня мёді вуграсьны.

Сулалам тадзи, вуграсям. Дыркодь нин кад коли. Менам дугдіс дёбёднытё, весиг гажтём босьтіс. Понді мукёд кыйсьысьясёс видзёдавны. Син улё уси ме вылын сералысь дядьёыд. Сулалё да кыйсьё, а черисё пукталё мешёкё. Мешёксё сьуйыштёма дзык юдорса му потасё, гуранё. Гурансё вевтгыштёма роскён.

Неылын рака кыйёдчис да виччысис асьыс кад. Сёмын дядьыд ылыстчыштіс чери тыра мешёк дорсьыд, ракаыд пыр и босьтчис уджё. Кынёмыс, буракё, ёна сьумалёма, чериён кёсйё чёсмасьны. Лэбыштіс мешёк дорад. Аддзё черитё, а перйынысё оз вермы. Дыр эз мёвпав ракаыд. Росьястё ёта-мёд бёрся ставсё кыскаліс. Сэсся мешёк помтё вомас босьтіс да кыскыны пондіс, но выныс эз тырмы: ва тырнад мешёкыд сьёкыд. Сувтіс, юрсё ётарё-мёдарё чатрёллё да мёвпалё: кызди судзёдны черитё.

А дядьбыд ылөкодэ нин муніс. Кыйсьысь ёртыскөд мөдіс варовитны. Тайё кадё сылөн кыйдөс ылө мөд кыйсьысь нин кыйсис. Мешөксьыд өд юыд дорысь кокниджык кыйнытө.

Ракаыд му потасад юрсө суйис, бордъяснас шеныштчис да кыкис чери тыра мешөктө. Со кутшөм сюсь сійө вөлөма! Мешөксьыд ваыс кысис, став чериыд ваыскөд тшөтш бөр юё веськаліс. Ракаыд эз жө узь – кватитіс вомас кык чери. Сэссия тэрыба лэбыштіс пакөститчөминсьыд, ме-дым некоді эз мырдды сылысь кыйдөссө.

Кор локтіс кыйсьыс дядьыд кыйдөс дорас, ёна и чуймис: коді пөрөдіс сылысь мешөксө да черисө босьтіс? Дивө да и сөмын!...

*(Висьтсө лөсьөдіс Нехорошева Валентина)*

### ***Порсьяс-футболистъяс***

Миян овмөсын вөлі кык порсь: Мишка да Машка. Гидын найө олісны өти жырйын. Чоя-вока ёна ладмисны. Быд рыт мамөй лэдзліс найөс гуляйтны, медем бурпөт ворсасны-вильшасясны да чөскыдджыка узясны.

Өти гожся рытө ми ворсім школа йөрын футболысь, тэрыба котралім мач бөрся. Друг кыла: «Видзөдөй! Видзөдөй! Порсьяс миян дорө котөртөны!»

Ми дзикөдэ вунөдім ворсөм йывсьыд, шөйөвошөмөн видзөдім порсьяс ылө. А порсьясыд веськыда мач дорө и котөртісны. Найө ышмисны, пондісны йөткавны мачсө нырнас, өта-мөдлысь мырддявны. Татшөмтө ми некыдз эгө виччысьөй!

Недыр мысьт пырөдчим порсьяслөн ворсөмас. Тадзи кык порсь лоины миян ыль ворсысьясөн, футболістъясөн. Найө повтөг пышъялісны мянқөд, мырддялісны мачсө, мукөд ворсысьяссө тойлалісны да, весиг, мачсө воротаө вермисны кыкысь суйны.

Тайө рытас школа йөрын вөлі кылө оз сөмын: «Гол! Пасуйт! Өдйө нин! Мун водзө!», но и «Хрю-хрю!»

Рёмдыны нин пондіс, а ми век на ворсім. Сэтшөм гажа вөлі порсьясыдкөд өтлаын котравны мач бөрся! Друг көнкө кыліс: «Мишук, Машук, көні ті? Кытчө нө пышйинныд?»

Ме төді мамлысь гөлөссө. Мишка да Машка ёна нин вөлі мудзёмаоьс. Найө төдісны көзяйкалысь гөлөссө да пыр жө котөртисны-ризөдісны гортлань.

Ок и гажа жө рыт миян вөлі! Ми нөшта недыр ворсыштім. Порсьястөгыд гажтөм нин лои ворснытө. Регыдөн мөдөдчим гортланьө.

Гортын ме ставлы висьталі миян порсьяслөн ворсөм йылысь. Рытывбыд ставөн сералісны. А мөд луннас нин порсьяс-футболистъяс йылысь сёрнитісны став сикт пасьтала.

*(Висьтө лөсьөдіс Перминова Тая)*

### ***Ошкөд паныдасълөм***

Ме школаөдз пыр ветлі бать-мамкөд тундраө. А школаө пырөм бөрын куті ветлыны сөмын гожся каникулъяс дырйи. Öні ме тиянөс төдмөда өти вөвлөмторйөн. Сійө лои мекөд мөд класс помалөм бөрын, гожөмнас.

Тайө лунас чумйысь ставөн мунісны асьыныс удж вөчны: коді кулөмъяс видлавны тыысь, коді көр бөрся дөзьөритны. А мамөй муніс вотчыны. Менө колісны өтнамөс чум дөзьөритны: пач бөрся видзөдны, шыд пуны. Босьтчи ме уджө: чышки пос, пуи чөскыд яя шыд, пузьөді чай.

Друг кыліс Бусколөн гора увтөм. Сылы воча кодкө эргө-мурзө. Ме повзи, эг лысьт восьтны өдзөссө. Джөм сувті да кывза понлысь увтчөмсө. Буско никсігмоз нин пондіс увтчыны. Сэсся кыла: мурзысьыд пондіс чум кышсө гыжъявны.

Повзёмысла менам кокөй мөдіс дзөрны, сьөлөмөй часі моз тічкө, быттө верст пышйи. Видзөда: брезент увсянь тыдовтчис гөна ныр, кыпөдыштіс брезент кышсө да суйис гөна лапасө. Сэсся исыштіс ва нырнас сынөдсө да юрсө дзоньнас суйис.

Тайö вöли ош. Ме кыв ни джын ог вермы шуны. Кöсйи эськö горöдны, но шы оз пет. Гöгрöс синъяснас ме вылö видзöдiс збыль ош, а ме сы вылö синмöс сувтöдi. Тадзи здук видзöдöм бöрын ошкыд чеччыштiс чумйö. Лапанас пырис чöскыд шыд тыра пöртйö.

Ме чепöсйи ывлаö да пышйи чумсянь ылöджык. Ас садьö воöм бöрын гөгөрвои: медджуджыд додь вылö кайсьöма. Ог тöд, дыр-ö кадыс прöйдитiс... Видзöда: ошкыд котөрөн петiс чумйысь да котөртiс ошпияныслань. Ылынджык сийöс виччысисны быдса куим ошпи. Сiдзкö, ошмамыд волöма шыд дук вылö кынöмшöт корсьны.

Сулалi ме тадзи додь вылын, видзöдi ылыстчысь пияна ош вылö да повзьöмысла гораа бöрдi. Ме дорын никiс Бускö. Пышйигас ошкыд понтö тальыштöма, ёна и дойдöма...

Пыри чумйö да пелькöдi гөгөр. Регыд мысьт локтiс вöрысь мамöй. Сийö пыр жö казялiс менсьым повзьöмöс. Быть лои висьтавны ставсö. Та бöрын менö öтнамöс эз мöдны кольны чомйö, пыр сьöрсьыс босьтлiсны.

*(Висьтö лёсьöдiс Терентьева Елена)*

### ***Кыдзи öш катöдлiс миянöс пу вылö***

Вöли гожöм. Ме, мамö да ичöтджык чой мунiм сэтөр вотны. Воим сэтöра местаö. Зiля вотчим, ведраяснымöс öдйö и тыртiм, пöттöдз чöскыд сэтöрнад чöсмасим. Пондiм нин гортлань мöдöдчыны.

Друг кылiс буксöм шы. «Мый нö тайö вермас лоны?»

– Ош!... – пыр жö и повзис ичöt чойöй.

Видзöдам: туй весьтын пондiс бус кайны. Сэсся мöс баксöм шы кылiс.

– Да тайö мöсьяс, – шуис мам да содтiс. – Накöд тшöтш öш ветлö. Сийö öд зэв люкасьысь да скöр!

Татшöм кывъяс бöрад ми ставөн повзим. Мöвпалам, кытчö и воштысьны. Дзёбсьыны некытчö: куим сiсь пу сöмын и сулалö. Пышйыны сёрнин. Öшкыд аддзас да вötöдас. Мый и вöчны?

Матыстчим крепыдкодь сись пу дорё да саймовтчим. Ёшкыд казяліс миянёс да нёшта на ёнджыка пондіс буксыны, вомсьыс быг весиг кутіс петны-лэччыны. Повзьёмсьыд тай содё мортыдлён эбёс-выныд. Ме тэрыб ур моз кайи сисьмём пу вылад, весиг пёрёмьыс эг повззы. Ме бёрся вожа-сисны-кавшасисны ыджыд чойёй да мамёй. Тадзи ми куимён сисьмём пу вылад жар гожся лунё вель дыр пукалім-тіралім.

Ёшкыд матыстчис миян пу дорё, лёкысь букёстіс, мусё кок увсьыс чапыштіс, юрнас довйёддыштіс... Ок и повзьёдіс миянёс ёшкыд. А ме лолыштны ог лысьт. «Мед сёмьын мамёс оз люкав, ёд сійё медулын лои...», – кевмыси ме. Куни синмёс, полі улиас видзёддыны.

Ёшкыд пондіс плешсё миян пуё гыжъявны. Пуным катласис, вот-вот пёрас...

Колис нёшта недыр кад. Ылын кыліс мёсьяслён баксём. Регыд и ёшкыд ёновтіс миянёс, котёртіс мёсьяс бёрся. Ывлаын лёнис. Миян сёлёмъясным кокнялісны, но пу вылысь лэччыны полім на. Друг ёшкыд косас!

И мёсьяс, и ёш дзикёдз саясисны. Куимнанным лэччим миянёс мездысь пу вылысь. Пу улас пукуыштім недыр, аттьёалім мездысь пусё. Сэсся мёдёдчим гортлань. Ёшкёд паньдасьлёмьыс менам некор оз вун.

### ***Кодлы мунны армияё?***

Тайё вёвлёмторйыс лоис мекёд тёвнас. Вёлі тёвся шойччан лун. Асыв-няньыс ми ёртъяскёд мунім исласьны шор бокё. И со мый мекёд лои тайё шорбокса гёра вылын гажёдчигён.

Исласим ми ставён, коді кызди кужис: и бёрён, и водзён, и пуксьёмён, и водёмён. Исласьём бёрын думыштім ордысьны-вермасьны: коді шор дорас матёджык воас.

Нывкаяслы, дерт, сьёкыд ордысьны зонкаясыдкёд. Мый вёчны, мёдым нывъяс вермисны? Ме босьті ассьым даддьёс да ошкышті сійёс, мёдым ёдйёджык тюрис. Видзёдлі вылісянь став вылас да шуи зонкаяслы:

«Эк, ті! Он кужой исласьнытө! А нөшта на и армияө көсьянныд мунны! Видзөдлөй ме вылө, со кызди колө исласьнытө, медым генералөдз воны!» Тайө шуөм бөрын налөн нюмыс воши. Ставөн чуймисны, а ме бөрыпштычи некымын воськов вылө да сувті. Ачым повзи: ог кө пановт Женяөс, серам-выв лэптасны менө... Ыджыда лолышти, уськөдчи дадь вылө да исковті. Лымйыс пузйис чужөмө да синмө, немтор ог аддзы, тюрөда сөмын.

И со менам даддьөй сувтіс. Кынөмө да кокө койыштісны көдзыд пөсьөн. Восьті синмөс да муртса эг чеччышт енэжөдз! Гөгөр ва. Бергөдчи ёртъяслань, а найө сералөны. «Со тай ме генералөдз и вои, йиа ваын туп-ляся!» – думышти ме да петі шорысь.

Ёртъяс чукөртчисны ме гөгөр да видзөдісны, кызди ме вылысь вия-лысь васысь артмалісны йинёньяс. А Женя шуис: «Нывъяс вермисны, налы и мунны армияө!» Ставөн серөктісны.

Женя босьтіс менсьым даддьөс да колльөдіс горт дорөдз. Гортө пыригөн ме повзьөм чужөмөн видзөдлі сы вылө да шуи: «Женя, мун ме пыдди армияө, ме ог көсий генералнад лоны.» А ёртөй серөктіс: «Мун пыр, генерал, кынман!» Ме тэрыба пыри гортө шонтысьны. Сьөлөм вылын и шог, и радлун...

*(Висьтө лөсьөдіс Подорова Светлана)*

### ***Коді мыжа?***

Тайө вөлі арын, сентябр төлысьын. Велөдчысьяс петісны отсавны совхозлы картофель идравны. Миян, дерт, уна эбөс эз на вөв, но тэрыба чукөрттім му вылысь картофель да тыртім мешөкъяс.

Аныб сиктным сулалө ыджыд мыльк вылын. Картофель муясыс вөліны сиктсынь ылынкодь. Та вөсна унджыкыс ветлывлісны велосипедөн. Ми Иракөд му вылөдз тшөтш воөдчывлім югыдлөз вель велосипедөн. Со и талун Ира босьтіс миянлысь ведраясымөс, пуксис менам «Уралец» рама вылө. Руль сайө пукси ачым, и «төвзим» удж вылө.

Медым веськавны картофель му вылө, колө лэччыны ыджыд Пошта гөра. Гөра дорө вотөдз на Ира өлөдіс:

– Эн өдйө төвзыы гөра горуvsө! Ме өд ёна пола!..

А ме воча нинөм эг шу. Окота төвзыыны-лэбны гөраті, медым төлыс пөльтіс воча. Тадзи Ираөс дөзмөда. А сійө ыджыд гөлөсөн нин горзө:

– Эн өдйө мун! Ой-ой! Ме пола, Света!

Ми төв ныр моз тюрим Пошта гөрасянь. Друг Иралөн уси өти ведрायс. Ме нинөм нин эг удит вөчны, кор аддзи велосипед көлеса улысь быгыльтчысь ведрасө. Куні синмөс – мый лоө ло. Велосипедыдлөн көлесаыс крукаліс ведрасө. Ми кыкысь бергөдчим сынөдас да шнөпкысим-усим асфальт вылө.

Ог төд, дыр-ө кыкнанным куйлім туй шөрас... Кор ме вои ас садьө да восьтышті син потасьясөс, гудыр руын моз аддзи: ме дорын куйлө Ира да ойзө. Гудыр руыс вешйыштіс да син улө воис менам выль велосипедөй: көлесаыс чукуыля-мукуыля, сутугаясыс чурвидзөны, рулыс чукуыльтчөма. Синваөй пондіс доршасьны...

Туй бокас куйліс крукуыльтчөм-вежынтьчөм ведрөй. Öні сійө кажитчис сэтшөм мустөмөн. Öд сы понда лои тайө неминучаыс! Стаvsө тайөс аддзөм бөрын ме вөрзөдышті ки-кокөн. Гөгөрвои, мый некыті абу чегөма. Сэссия кокныда нин ышловзи: лыяс дзоньөсь, сідзкө ог на кув. Бергөдчи мыш вылө да водзө куйла:

– Ира, тэ ловья?

– Ловья! – бөрддзан гөлөсөн вочавидзис Ира.

– Некыті эз чег?

– Эз... А тэ кызди?

– Ловья тай со. Но и бур!

– Мый бурыс. Видзөд: гачөй орьясьөма, киөй вирөдз парсасьөма. Чужөмөй и плешкөй доймө ставнас, – асфальт вылын куйлігмоз норасис Ира.

Ме ѓдва чеччи. Пидзѓсысь, гыррдзаысь да ки пыдѓсысь вир чепѓйѓма. Отсалі чеччыны Иралы. Сылѓн асфальтлѓн туйыс тѓдчис и чужѓм вылас, и плешкас. Бѓрдігмоз сійѓ шуаліс меным:

– Тѓ ѓтнад таысь мыжа! Ме жѓ шуи: пола ѓдйѓ мунѓмысь. А а тѓ!? Тѓ пыр мѓдарѓ вѓчан, он кывзы!

– Крукыля ки, ведрасѓ колѓ прамѓйджыка кутны! Ми эськѓ важѓн нин удж вылын вѓлім, а эг тан ойзѓй!– эг сетчы Иралы да шуалі сылы воча.

– Но, сідзкѓ, ведраыс и мыжа лои! ѓдйѓ мунігад сійѓ кийысь чеччыштіс! И тѓ тшѓтш мыжа, ньѓжйѓджык да лайкыда колѓ вѓлі мунны!

– Ме лайкыда и муні! А тѓныд ведрасѓ колѓ вѓлі крепыда кутны, а не повны! Тѓ повзин да кисьыд лѓдзин!

Неуна пинясьыштѓм бѓрын босьтім велосипед шойѓс да чѓтім-тапиктім гортѓ. Зіля мыссим, вежсим да котѓртім картофель му вылѓ уджавны.

Кыз ті чайтанныд, коді мыжаыс лоис?

*(Висьтѓ лѓсьѓдіс Лобанова Света)*

## **Чѓртпиян**

Меным вѓлі куим арѓс, а Галя чойлы квайт. Ми зѓв ѓна радейтім дзѓбсясьѓмѓн ворсны. Со ѓтчыд Галя меным и шуѓ:

– Марина, вай дзѓбсясьѓмѓн ворсыштам. Тѓ дзѓбсьы, а ме корся!

– Тѓ кѓ корсян, ворса дерт! Сѓмын тѓ эн кыйѓдчы, – шуи ме чойлы да котѓрті дзѓбсьыны.

Чойѓй бергѓдчис, кунис синсѓ да заводитіс лыддыны: ѓти, кык, куим, ... дас. А ме тайѓ каднас котѓрті пачводзѓ да куті мѓвпавны, кытчѓ эськѓ дзѓбсьыны. Менам син улѓ усис пачлѓн вѓсьса вомыс.

– Татысь оз аддзы! – мѓвпышти ме да куті пырны пачѓ. – Кутшѓм тай лѓсьыд тан вѓлѓма, шоныд!



Кыла, горзёмөн локтө Галя. Корсьө, корсьө менө быдлаысь. Сөмын пач пытшкад некыдз оз гөгөрво видзөдлыны.

– Кытчө нө дзебсин? – дөзмөмөн нин юалис Галя да сувтис пачводзө.

Меным пач пытшсяньыд бура тыдалис чойлөн шөйөвошөм чужөмыс. Сэтшөма серам кутис петны. Недыр кутчыси серөктөмысь. Сэссия кыдз тай прысьниті-серөкті. Чойөй менө кылис да мөдіс корсьны-гөннвяны, но бара на эз аддзы. Меным гажтөм лои пач пытшкад куткырвидзэны да серамсорөн шыаси:

– Ха-ха-ха! Галюк, пач пытшкад видзөлы...

Тайө кывъяс бөрад Галя восьтис пач вомсө да аддзис менө. Сійө сэтшөма чуймис, мый весиг гөлөсыс вежсис:

– Кыдзи тэ татчө пырин?

– Галюш, тані уна на местаыс. Лок тшөтш пыр татчө. Мед мамыд өні миянөс корсяс!

Галялы лои зэв любө, мөдысь корнысө эз и ковмы. Пукалам ми, чик-тылам-сералам, виччысям мамлысь локтөмсө. Керкаө пырис мамным.

– Челядь! Көнөсь нө ті? Ме кампет талун тіянлы вайи!

А ми чөв олам... Мамным видзөдліс узыланінысь, жырйысь – некоді абу.

– Школа дорө, көнкө, мунісны ворсны, – кылім мамлысь гөлөссө.

Ми пукалам шы ни төв, виччысям, кор миянөс мамным пач пытшкысь аддзас. Сійө пыртис пес, заводитис ноксьыны пачводзын. Сэссия восьтис пач вомсө да муртса кок йывсьыс эз усь – пачын пукаліс кык чөртпи.

– Ой-ой! Мый нө тайө?! – повзёмөн шуис мамным да бөрынтьчыштис пач вомсянь.

Сэссия ньөжйөникөн матыстчис пач вомлань. Тыдалө, төдмаліс миянлысь чужөмнымөс да кутис гораа серавны.

– Мый нө, мамө, сералан? – юалис Галя.

Но сійө нинөм эз вермы вочавидзэны сералөмысла, кыскис миянөс пачысь да вайөдіс рөмпөштан дорө.

– Чортпийан ті менам! – видзёдаліс миянлысь са съёд чужёмнымос да сералис.

И збыльсь ми чортпийан кодьось вөлім: дзик съёдось, сөмын сюръяс да божъяс эз тырмыны. Мысьсөдіс миянос мамө. Кыкысь майтөгалөм бөрын едждыштім.

Тайө вөвлөмтор бөрас мамө миянос вель дыр нимтіс чортпийанөн, весиг өні на мукөддырйи тадз шулө. А ичөт дырйиыд быдторйыс тай овлө.

*(Висьтсө лосьсөдіс Воронова Марина)*

### ***Виддін ёль***

Батьöй менам тшөкыда ветлывліс вөрө и менө аскөдыс босьтліс. Медся ёна ме радейтлі ветлывны ськөд миян видз вылө. Тані ми и уджавлім, и шойчывлім: гожөмын – турун пуктім, арын – зорөд видлыны ветлім, төлын – гөлик рос чегьялім, тулысын – кыз пу гар өктім да зарава вийөдім. Но медся чуймөданаөн меным вөлі видз бокөд вөсныдык трөпаөн нюжөдчөм Виддін ёль.

Медводдзаысь ме аддзи тайө ёльсө гожөмнас. Сэки сійө ичөтик ю кодь вөлі. Нинөм мөвпавтөг бузгис-нуис асьыс васө Висер юө. Гожөмнас ёлыс сөстөм-сөстөм. Неуна гыалысь ваас ме радейтлі шыблавны сэтөр кор. Тэрыб ваыс корсө вильыша кылөдіс...

Арын ёлыс лөньджык, быдсөн ляпкыштөма, быттьө повзёма мыйыськө. Ывлаыс зэрө, и сылы таысь шуштөм. Төдө, мый регыд кыз йи улө пырас. Сэні он нин гажөдчы, лөня ковмас овны.

Төвнас ёлыс кыз лымйөн шебрыштчөма да весиг оз тыдав. Ме чайті, мый йи улын сійө узьө. Öти төвся лунө батьöй петкөдліс меным ёльысь гусяторсө. Нуөдіс менө ёль пөлөн да висьталіс: «Нылук, Виддін ёльным и төвнад ловья. Со видзөдлы: сійө лолалө шоныд руөн.» Збыльсь: мусьыс ру кайис. Тайө шоныд русө ёлыс лэдзис, көсйис көдзыд төвкөд аслас шоныдөн юксыны. Матыстчи ёльлөн руалысь вом дорө, сулалышті чөла

да кылі сылысь лөня сялькөдчөмсө. Вөлөмкө, ёлыыд весиг и төвнас оз узы, нуо ассыыс васө Висер юө.

А тулыснас гажыс ёльлөн! Быттьө друг палялөма узыөмысь да кытчөкө сөрмөма. Зэв ёна тэрмасьө, өдйө-өдйө бузгө. Оз төд, кыті мунны: али весь-кыда, али пу костті, али бадь улө пыралөмөн. Паныдасысь рос-ёитө аскөдыс кыскө. Ойдөма да паськөдчөма ёлыыд! Вөрын сылөн сөмын шыыс и кылө. Ставлы висьталө аслас палялөм йывсьыс.

Сө өд кутшөм уна сикаса ёлыыд миян! Ёльлөн виль серпасыс быдвося кадколастө менам син водзө сувтө. Кузь нэмнас уна ва на нуас сійө Висер юө. Ок, мортыд кө вөлі тайө ёль кодьыс, уна эськө удитис вөчны ас олөмас.

*(Висьтөй лөсьөдіс Ивашова Елена)*

## **Петук**

Тайө вөлі важөн нин, кор меным тырис вит арөс. Муна ме сиктса уличөд. Аддза, мыйкө вузалөны машина вывсянь, а өчередьыс – помыс оз тыдав. Меным зэв окота лои төдны, мыйла та мында йөзыс татчө чукөртчөмадь?

Матыстчи йөзлань да чуйми: чипанпиянөс вузалөны. Найө кольквижөсь, мичаөсь да ичөтикөсь. Меным сьөлөм вылө воисны тайө виж ёкмыльясыс. Мөвпышти ньөбны да сувті өчередьө. А зептын вөлі сөмын кызы ур. Сы вылө көсйи ньөбны кампет.

Ставөн ньөбисны уна чипанпиянөн. А меным кызы урыд вылө шедіс сөмын өти. Босьті чипанпитө кыкнан киөн да котөрті гортө.

Нимкөдьөйла весиг ог помнит, кызди гортө вои. Пукті көрөбө, а мыйөн верднысө ог төд. Нукала да мөвпала. Воис удж вылысь мамөй.

– Тайө нө мый татшөмыс? – шензис сійө.

– Чипанпи! – радпырысь вочавидзи ме.

– Коді нө вайис?

– Ме талун ачым ньөби...

– Но и но! – шензис водзё мамой. – А тѳдан-ѳ тэ, кыдзи сійѳс колѳ вердны-дѳзѳѳритны?

– Ог... – ышловзи ме. – Со пукала да мѳвпала: мыйѳн и вердны сійѳс?

– Чипанпияныд шыдѳс радейтѳны. Ѳні сійѳ ичѳтик на, сетам посни шыдѳс. Нѳшта на колѳ юктѳдны. Тасѳтѳ кѳ кисьтан ватѳ, чипанпиыд пырас сэтчѳ да вермас вѳйны.

Мамѳ неыджыд банкаѳ кисьтѳс ва, вылысянныс вевттис блюйдѳн да банкасѳ увлань юрѳн блюд вылѳ и пуктѳс чипан кѳрѳбѳ.

– А ваыс тай нѳ абу? Кыдз нѳ Чипукуыд мѳдас юны? – шензи ме.

– Банкасѳ колѳ дзик неуна лэптыштны, ваыс пыр и петас блюдѳяс, – велѳдѳс менѳ мамѳ.

Тайѳ лунсянь ме кутѳ дѳзѳѳритны асѳыым чипанпиѳс: шыдѳс сета, ваѳн юктала. Ѳтчыд детсадѳйыс локтѳм бѳрын пыри гортѳ, матыстчи аслам быдтас оланѳн дорѳ да чуйми: сѳнѳ ѳти пыдди вѳлѳ уна кольвиж ѳкмыль. Арталѳ: дас вит чипан на содѳма. Пыр и гѳгѳрвои: батѳ-мам нѳшта на содтѳд чипанпиянѳс ньѳбѳмаѳсь.

Чипанпияныд быдмисны-сѳвмисны, гажаа чипѳсѳны. А менам чипанѳй мукѳд дорсѳыс ѳна торѳялѳс: ыджыдджык да збѳйджык вѳлѳ. Регыд мысѳт ставѳн гѳгѳрвоисны: менам петукѳс ньѳбѳсѳма. Ѳти гожся лунѳ ми мамкѳд петкѳдѳм чипанѳясѳс сарайдорса позѳйѳ. Асѳным пондѳм турун налы не-тшкыны. Друг кылѳс зѳв гора: Ки-ки-руллу-лю-у-у! Тайѳ вѳлѳмкѳ менам петукѳй посни чипанпиянтѳ видзѳ, повзѳѳдлѳ-вѳтлѳ мудер каньѳс.

– Нылук, тайѳ тѳнад Петяыд со горзѳ, каньыс видзѳ чипанпиянсѳ. Атѳѳ тѳныд петуктѳ ньѳбѳмысѳ. Со кутшѳм сѳгласѳн олѳны да миянѳс тшѳтш гажѳдѳны, – ошкис менѳ мамѳ.

*(Висѳтсѳ лѳсѳѳдѳс Голосова Лариса)*

## Петя

Олім ми суседъяскөд өти ыджыд йөрүн. А гожомнас ми быд во видзлім уна курөгөс. Лэдзам найөс позсьыс, а найө пондасны котравны йөр пасьталаыс. Коді кытчө разөдчас... Сэтшөм найө тешкодьөсь!

По медся нин тшапнас, мичанас да ыджыднас вөлі суседъяслөн Петя нима петук. Сійө вөлі пыр медводдзабн надзөникөн петө позсьыс. Ассьыс гөрд сорссө вылө лэптөмөн ыджыд чина морт моз да тшапа ветлөдлө. Ас-лас ичөтик югьялысь синнас дзоргө-видзөдө гөгөрбок: оз-ө кодкө өбөдит сылысь курөгьяссө. Петя стөрөж моз дөзёоритө-видзө и миянлысь йөрнымөс. Сиктын некодлөн эз вөв татшөм мича йөр видзысьыд.

Петя зэв ёна радейтис ассьыс курөгьяссө да дорйис найөс. Сійө видзис эз сөмын аслас позсьыс, но весиг и миянлысь курөгьяснымөс. Асывнас суседъяс лэдзасны курөгьяссө гуляйтны. Курөгьясыд кокасьоны-котралөны, а Петя видзө найөс. Кытшөвтас ассьыс курөгьяссө, грөзитас кодөс колө да мөдөдчас миян курөгьяс дорө. Ставыс кө лючки-ладнө, Петя ачыс пондас кокасьны да шойччыны.

Өтчыд мамөй сёрмыштіс лэдзны курөгьяссө йөрө. А Петя-стөрөжыд йөр шөрын сулалө, пөдругаяссө виччысьө. Курөгьясыд миян котөртисны кильчө улө вөчөм позйысь да разөдчисны йөр пасьтала. Ме куті өти курөгөс, ки вылө босьті да каньөс моз мөді шыльөдны. Друг менсьым кокөс кодкө сэтшөм ёна кокыштис. Звирк чеччышти да мөді ойзыны-котравны. Курөгөй менам кийысь пышйис-лэбзис. Петя скөрысь уськөдчис мелань, лөсьөдчис мөдысь кокыштны. Тадзи сійө, вөлөмкө, дорйө ассьыс пөдругаяссө.

Та бөрын ме Петяөс ыліті заводиті кытшлавны, но нөшта на ёнджыка куті радейтны да пыдди пуктыны. Со кутшөм бур кавалер миян Петяным!

*(Висьтсө лөсьөдіс Игнатова О.)*

## Ме йӱзлы бур вӱча

Вои ме сиктӱ карысь да гортын эг и дыр пукав. Чай юӱм бӱрын Тоня тьӱткӱд мӱдӱдчим нюр вылӱ турипувла. Луныс ок и мича вӱли: арся шондӱ чужӱмтӱ мелӱа малалис-шонти. Дзэбсьылас здук кежлӱ кымӱрттор сайӱ да бӱр петалас. Букуштчылас, куим войт лӱдзас да бӱр нин бурмӱдчӱма, шонтӱ. Арыд – зӱв асныра ань.

Восьлалам ми тьӱткӱд вӱрса туйӱд, морӱс тырӱн сӱстӱм сынӱдсӱ апа-лам, пӱтнысӱ огӱ вермӱй. Кар бӱрад вӱрыд торъя нин мича кажитчӱ, быд пукӱд, быттьӱ важ тӱдсакӱд, киасян. Сиктса мортыд карын олыштӱм бӱрад ӱнджыка пондӱ гӱгӱрвоны, кутшӱм жӱ нин дона да муса вӱр-вайд, чужан муыд, чужан сиктыд!

Восьлалам чӱв-лӱня кыкӱн, асьыным дум кутам, ас ногӱн вӱр-валысь шысӱ кылам. Сӱмын Чарли понным шызьӱдлас тайӱ чӱвлунсӱ ур вылӱ увтӱмнас.

Кутшӱм кокни му вывтӱид восьлавнытӱ, тайӱ абу чорыд асфальт. Тайӱ – тшӱг, озыр, небыд му. Восьлалигас весиг кылан сылысь лов шысӱ. Кутшӱм сӱйӱ сьӱлӱмыдлы дона да муса!

Водзын сьӱд мисьтӱмтор тыдовтчылис. Мый нӱ сӱн сӱтшӱмыс? Быд воськовӱн матыстчам лӱкин дорӱ. Тайӱ, вӱлӱмкӱ, небыд мусӱ лойӱмаӱсь. став туйсӱ пазӱдӱмаӱсь. Кутшӱма йӱзыс дышмӱмаӱсь! Вӱрӱдыд оз вермыны подӱн ветлыны: быть трактор колӱ. Пукалӱны тракторын да треситчӱны, ӱтарӱ-мӱдарӱ пӱрласьӱны, но пукалӱны. Кык воськов кӱ вӱчасны сыла му вывтӱыс – кокныс нин мудзӱма. Мунӱны тракторӱн, эргӱны, мусӱ пазӱдӱны. А на бӱрся пода морт тайӱ няйт туйӱдыс мунӱ... Мортыд туй бокас, пуяс коластас выль пода туй вӱчӱ.

Ньӱжӱйӱник мунӱгад дыр кадӱн воим нюрӱдз. А танӱ бипур кодкӱ пестӱма. Сӱ дивӱ тай!... Татшӱмтӱ некыдз эг виччысьӱй – пуӱ биасьӱмаӱсь! Кодӱ нӱ татшӱм «сюсь» мортыс? «Челядь, кӱнкӱ, биасьӱмаӱсь, кос лӱпсӱ

дыш кыскавнытö да пусö öзтöмаöсь», – мөвпыштi ме. Ми ведраөн тэрыба кыскалiм гуранысь ва да кусöдiм öзъялысь путö.

Сöмын пуксим шойччыштны, мян дорö матыстчис ружьеа морт.

– Тi нö мыйла бипурсö кусöданiнныд? – скöрысь горöдiс сiйö ми вылö.

– Неладнö биасьöмаöсь, сiйөн и кусöдiм... Со матын том пуясыс быдмöны. Тадзи и ыджыд пöжар вермас паськавны. Став мичлуныс вермас сотчыны-бырны...

– Тайö ме нарошнö кос пуас биаси, – водзö скöра сёрнитiс мянкөд ружьеа морт да содтiс: – Ме йöзлы бур вöча! Нюрын вотчысьясыс кынмасны да шонтысьясны бипур дорас.

– Талун гожöмын кодь мича луныс, оз зэр. Некод татшöм луннад оз кынмы, – водзö нуöдi ме сёрни тöдтöм мужичöйкөд.

Ружьеа мортыд ас кежысь видчыштiс, мян вылö лöгысь видзöдлiс. Сэся öвгыштiс кинас да броткигтыр мöдöдчис вөр туйöд. Гашкö, мöдлаын на öзтас кос путö. Мян сёрниыс кө мөрччис сылы, оз нин, гашкö, вöч пакöсьттö. Татшöм «йöзлы бур вöчысь» понда унаысь неминучаыд овлö. Кос поводдянад биыд оз дыр нюжмась, оз жалит уна вося быдмöм вөр-парматö.

– Та кодь «бур вöчысьыд» унджык кө вöли, вёртöг нин ми колим,– öти кывйö вои Тоня тьötкөд. – Да öд сиктса олысь. И кызди сиктса мортыс вермö пусö биөн вийны-сотны?

*(Висьтсö лöсьöдiс Мартынова Божена)*

### **«Суседкөд» паныдасьлöм**

Öти гожся лунö Вöльдiн грездысь Анна тьöt мунома öтнасөн чöд вотны. Вöрыс сиктсьяныыс абу ылын, көсйöма пажын кежлö бөр нин воны гортас. Но абу тай сiдз артмöма...

Воас Анна тьöтыд вöрад да пыр жö веськалас чöдъяинö. Зiля пондас вотчыны. Юр оз лэптыв, тэрмасьö ведрасö пажынöдз тыртны. Öдйö дозыйд и тырас. Мышсö веськөдыштас, гөгөрбок видзöдлас.

Друг пуяс сайысь аддзас «суседсё». Мышкён эськё бергөдчөма, но сылысь сімгөрд курткасё Анна тьотыд пыр и төдас. Чуймыштас, мыйла суседыс эз шыөдчы. Сэсся горөдас: «Сусед, уна-ө чөдтө вотін?»

Тайө здукө «суседыд» и бергөдчөма Анна тьотлань, сувтөма бөръя кокъяс вылас да лёкысь равөстөма. Повзьём нывбабаыд оштө аддзём бөрад сы ни садь котөртма гортас, весиг ведра йывсьыс вунөдөма.

Час куим мысьт сөмын Анна тьотыдлөн ки-кокыс дугдөма тіравны. А рытнас нин шмонитө вөлөм: «Чөдйыд эськё абу жаль, а выль ведраыс жалькодь... » Та бөрын лун-мөд весиг вөрланьыс абу видзөдлөма. Өні сійө вөрад өтрасөн оз нин ветлы, бара на пө Михайлөыдкөд паныдасыны верма...

*(Висьтсө лёсьөдіс Морозова Наталья)*

### III. ТЕКСТ-СЕРПАС

#### *Вильышпоз*

*Өшинь вылын, шонді водзын  
Шөвк тупыль кодь шань,  
Еджыд уска, куньса синма,  
Куткырвидзө кань.*

*В. Лыткин*

Ася шонді югөрыс пырис менам жырйө, малыштіс юрөс, гильөдыштіс нырбордъясөс, серөктіс да пышйис. Ме восьті синмөс, нюжмасышті да пукси крөвать вылө. Чуймөмла весиг воссис вомөй! Дждж шөрын мыйыс сөмын эз вөв: носкияс, паськөмөй, разьсьём вурун тупыльяс, ичөт воклөн чачаясыс, чери лыяс.

А өшинь вылын, быттьө нинөм абу и вөлөма, шонтіс мышсө Матроскин. Көсйи видны каньпиөс, но тайө ловья тупыльыс сэтшөм чөскыда узис, мый менам став скөрлуной вошис. Матроскин куйліс воддза лапаяссө нюжөдөмөн. Синсө куньөма да вомгорулас мыйкө мойдө.



Менам каньпилы вит төлысь на сөмын тырис. Ичөтик, но зэв тшап. Матроскинлөн паськөмыс ёна мича: съода-еджыда визя пиджак да гач, еджыд дөрөм вылас өти съод кизь, юрыс тишөтш визя – збыль быдмысь матрос! Ассьыс мича паськөмсө Матроскин быд лун мыськө-нюлө. Небыдик гоныс лөсталө шондї югөръяс улын. Менам быдтасөй зэв кузь уска, ёсь гыжъя, сюсь пеля, турунвиж рөма синма. Сійө аддзө весиг съод вой шөрын. Тыдалө, лоө бур кыйсьысьөн.

Кор ичөтик каньпилөн кынөмыс сьуммас, пыр жө пондас котравны ме бөрся да мелі гөлөснас корны ассьыс радейтана сёянсө – йөв, нөк, чери да яй. Сёйөм бөрас сійө пуксьө ме дорө да ёна мичаа и кургө – сьылө, быттьө аттьөалө менө сёян сетөмысь. Луннас Матроскин ёнджыкасө узьө, а войнас пырджык гажөдчө. Со и талун войбыд гажөдчөма да и унмовсьөма мудзөмсьыс өшинь вылө.

Матроскин – медся муса, медся мича каньпи му вылас. Менам сійө меддона, медрейтана ёрт.

*(Гижөдсө лөсьөдіс Сажина Татьяна)*

## **Уркай**

Өтчыд ми велөдыськөд мунім вөрө экскурсия вылө, медым видзөдлыны, кутшөм звер-пөтка олөны миян вөрын. Воим коз пуясөн быд боксянь кытшалөм неыджыд эрд вылө. Тайө эрд вылысь ми аддзылім көчөс, пуяс вылысь урөс, сизьөс. Но медся ёна меным сьөлөм вылө воис уркай.

Уркай тшапа пукаліс коз пу вылын да киллис коль. Ёна шензьөдіс мянөс тайө лэбачыс аслас мыгөрнас. Кокыс сьлөн чорыд шамыра да кузь гыжъя, медым вермис увлань юрөн өшөдчыны коз ув вылө. Нырыс уркайыдлөн падвежа, медым вермис чашйыны коль сьөмсө да перъявны-киллыны көйдысө.

Меным сьөлөм вылө воис тайө мича да тшап лэбачыс!

*(Гижөдсө лөсьөдіс Тарабукина Елена)*

## **Төвсә вөр**

Төрыт ми ветлім видзөдлыны төвсә вөр. Арнас тайё вөрыс вөлі пасьтасьөма зарни паськөмөн. А төвнас вөрыс сэтшөма вежсьөма!

Өні мян син водзын быттьө мойдын моз воссис шемөсмөдана мича вөр. Сійө шензьөдіс мянөс аслас мичлуннас. Сөстөм лымйөн шоныда пасьтасьөм-поньтасьөм вөр дзирыда югъяліс лыдтөм эзысь киньясөн. Шондіа луннад зэв нин уна вөлі югыдыс. Кынмөм муыс вевттьысьөма гөн кодь небыд вольпасьөн, дзэбсьөма еджыд эшкын улө. И пуяс вөччөмаөсь, быттьө томиник невестаяс. Палөн сөстөм көлуйыс вөлі пөртмасьысь гыөр кодь.

Со и мян төдса кызным сулалө. Зарни сарапан пыддиыс сійө плавгөма еджыд руысь шаль. И сулалө томиник невеста моз да мыйкө мөвпалө. Көнкө, виччысьө ассыс жөниксө...

Друг кызды вылө жбыркнитіс-пуксис төвсә гөсьт – кумач морөса жонь. Мыйкө шөпкөдіс-висьталіс кызлы, шойчыштіс неуна да водзө юөръяс ну-ис. Жоньлөн волөм бөрын кыддыд быттьө ышловзис да көдзыд зэрөн уськөдіс росъяс вывсьыс гыөрсө.

Ми дыр шензьөмөн видзөдім тайё мичлун вылас и кыпыд сьөлөмөн мунім бөр гортлань.

*(Гижөдсө лөсьөдісны Тимушева С., Тарабукина Л., Игнатова О., Костина М.)*

## **Менам муса кызды пу**

Баблөн йөрын сулалө зэв ыджыд кызды пу. Тайё пусө квайтымын во сайын пуктылөма пөчлөн воыс. Та дыра каднад вөвлөм статя томиник кыддысь быдмөма-сөвмөма зумыд кока, уна вожъяса багатыр. Өні сулалө кыддыд кияссө шонділань нюжөдөмөн, көсийө сывйыштны сійөс, аттьөавны шонтөмсьыс-быдтөмсьыс.

Водз тулыснас гажөдоны багатырөс ябыръяс, поздысьөны сылөн вына вожъяс вылын, быдтысьөны. И быд асыв ми кывзам төв улын шувгысь

кыз пулысь мыла сьыланкывсö да майшасьысь ябыръяслысь чивгёмсö. Кор петан кильчö пос вылö, сьёлöмыд тшöтш сьывны да йöктыны вöзйысьö.

Уна во сайын нин батьö кызд пу ув вылö öшöдлiс гытсан. Ок, кутшöма ме радейтлi тайö гытсantö! Аслам ёртъяскöд да чой-воккöд рытывбыд кызд пу дорын качайтчам-гажöдчам. Кор нин ми быдмыштiм, кутiм кайлыны кызд пу вылад. Чипанъяс моз пуксям сьлөн паськыд вожъяс вылö да варовитам-мойдчам.

Кызд пуным мездiс миянöс и пöжысь шондiысь, и кöдзыд зэрысь. Сiйö саймовтлiс миянöс аслас паськыд кудриа вожъяснас быдсяма поводдяысь. Зэр бöрын менам бабöй кызд пу дорысь весиг тшак вотлывлiс. Сiйö тшöкыда шулывлiс: «Муса кызд пуöй со вердö менö, зэрысь да шондiысь дзебö. Позяс öмöй сiйöс керавны!?»

Öнi велöдча карын. Радейта воывлыны бабö дорö. Кор матыстча пöч йöрлань, медводз тайö мича кыддзыс и шыбитчас син водзад. Сувта кызд пу дорö, чолöмасыя «муса ёрткöд». Син водзö öти здукөн воас ичöтдырся зарни кадöй. Уна жö гаж козьнавлiс меным тайö сьёлöмлы дона кызд пуыс!

*(Гижöдсö лöсьöдiс Митюнина Светлана)*

## **Арся вөр**

*Зарни паськёмөн пасьтасис вөр,  
Мича тугъясөн гөрддзасис пелысь.  
С. Попов*

Ок, кутшöм лöсьыд да мича войвылын арын, кытчöдз оз кам кучкы кöдзыд да ставыс гөгөр оз пыр йи куд улö. Вылын лöзалö арся зэръясөн югзьöдём енэж, гөгөр лөнь да быттьökö тыртöм. Сöмын көнкö неылын кылö варова визувтысь неыджыд ёльлөн сьялкöдчöмыс да гөрд юра сизьлөн тотшкöдчöмыс.

Лолавсьö кокниа, тыр морöсөн. Кок улын кышакылö небыдик еджыд нитш. Пуяс полiгмоз вашкöдчöны öта-мöдыскöд, сёрнитöны матыстчысь

төв йылысь. Визула варовитоны зарни кудриа кыздзяс кумач чышъяна пипу пӧдругаясыскӧд. Ён молодеच्याс моз енежӧдз турыштчӧмаӧсь паськыд пельпома багатыр пожӧмъяс да вылісянь нимкодясьоны-видзӧдӧны тшап пӧдругаяс выланыс. Дзор пӧляс моз сулалӧны турунвиж паськӧма коз пуяс.

Пӧлыштас төв, и эзысь да зарни коръяс бобувъяс моз дыр гӧгралӧны-лэбалӧны сынӧдас. Сэсся ньӧжйӧник пуксьӧны му вылӧ. Вӧрыс мойдвывса кыпид двореч кодь!

*(Гижӧдсӧ лӧсьӧдисны Артемьева Света, Попова Таня,*

*Осипова Наташа, Юранёва Елена)*

### **Тӧвся рыт вӧрын**

Рӧмдӧ нин. Талун тӧлыс абу ён, слабеник. Усьӧ еджыд лапъясӧн лым. Кӧчлы бур, став кок туйсӧ тупкас лымйыд, руч ни кӧин оз аддзы. Со сійӧ бергӧдчӧма да видзӧдӧ: оз-ӧ кодкӧ вӧтчы. Пельсӧ сувтӧдӧма да сюся кывзысьӧ. Кылас кӧ кодӧскӧ, пыр жӧ пышъяс.

А лымйыс таво мыта! Луннас вӧрыс еджыд, а рытгорувсӧ пемыдлӧз. Пуяс сьӧкыдысла копыртчӧмаӧсь. Ичӧтик козъяс вевтгысьсӧмаӧсь лымъя эшкынӧн. Лӧнь... Оз ратшнит ни ӧти ув, оз кыв тӧвлӧн шувгӧмыс. И сӧмын кокни пашкыр лым чиръяс мичаа йӧктигмос лэччӧны енежысь му вылӧ. Ӧти бӧрся мӧд пуксьӧны найӧ пу лапъяс вылӧ. Коз да пожӧм пуяс чургӧдӧмаӧсь ассыныс лапъяссӧ лым чиръяслы воча, медым тупкысьны кӧдзыдысь. Лым чиръяс зэв лышкыда вольсалӧны и лыска пуяс, и пӧрӧм пу, и нӧриник кыздз пуяс. Найӧ коллялӧны тӧвсӧ лым пиын, шоныдӧнын.

Со кымӧр сайысь тыдовтчис ярыюгид гӧгрӧс тӧлысь, югзьӧдис зарни рӧмӧн сӧр рытса вӧрсӧ. Матыстчӧ вой. Узь, менам коми Парма, чӧскыд унмӧн. Узьӧй пуяс, узьӧй звер-пӧтка. Узь и тэ, кӧчиль. Некод тэӧ талун оз

вөрзёд, прёста эн пов. Пашкыр лым чиръяс йөктасны, небыдик төвруыс мойдас, эзысь төлысьыс югзёдас небыд биён.

Лымйыс таво уна. Сідзкө, гожомыс лоё озыр вотёсён, тшакён. Ставён лооны пётось. А өні узьёй чёскыд унмён, менам донаяс...

*(Гижёдсё лёсьёдіс Кряжевская Елена)*

#### IV. КЫВБУРЪЯС

##### *Кыз*

Татшөмторйыс важонкодъ нин вөлі,  
Вөрысь локті, пукси веськөдыштны мудз.  
Дас арёс на меным сэки вөлі,  
Мир туй бокысь аддзи вужнас перйём кызд.

Коньөр кыддзёс кодкө пегыртөма,  
Косьмынысё дзикөдз абу удитөма.  
Вайи гортөдз, сэсся кодйи гу.  
Пукті, киськышти: «На пөттөдзыд тэ ю».

Эновтөм кызд, но менам лача коли,  
И аслым вомгорулө пыр век доли.  
Кык во на эбөстөгыс сійө оліс,  
Дыр майшаси, но воссис сылөн лолыс!

И тулыснас, кор лымйыс сыліс кушөдз,  
Кызд пу гаръяс потласьны ни лютось.  
Көть нэриник на вөлі, корйыс гежөд,  
Но гожомнас нин кыддзёй лои вежөн!

Со 25 арёс вылө нин ме петі,  
А менам кыддзёй пашкыр коръяс лэдзис,

Быд ар, кор вöччö зарни корйöн,  
Век шувгö менам öшинювса борйын.

Кор мездöм кызд динö йöзыс волö,  
И меным любö, радлö весиг лолöй!  
Сылам ми тэд, кыздзöй, сыланкыв,  
Шувгы водзö, меным воча сыв.

*(Кывбурсö лöсьöдiс Мартюшова Людмила Николаевна)*

### **Кань**

Аньлөн вöли кань,  
Сийö нюлис пань.  
Паньсö нюлём бöрас  
Каньыд петiс кöджас.

Сэтысь кутiс шыр,  
Ворсiс ськөд дыр.  
Каньыс сийöс сейис,  
Паччөр вылö водiс.

*(Кывбурсö дасьтiс Горинова Настя)*

### **Тулыс**

Зарни, югид шондi  
Чужан войвыв шонтiс.  
Аслас мелi югөрөн  
Сьолём менсьым восьтiс.

Кутшöм лöсьыд ывла,  
Ставыс быттö ловзис:  
Гөгөр сьылö, зельгö  
Варов эзысь шыön.

Морос тырнас лолалө,  
Ыпъялө да гыалө.  
Ок и долыд сьөлөмлы  
Овны тайө му вылас!

*(Кывбурсө лосьддiс Сметанина Раиса)*

### ***Тулыс воём***

Бара гажа тулыс воис,  
Бузгө-пышйө тэрыб шор.  
Шондi улын дзик нин регыд  
Петас медводдза виж кор.

Посни челядь школа бöрын  
Весь оз пукав. Сэн и тан  
Кылө горзөм, сёрни, серам...  
Тулыс шонтө ныр и бан.

Эжва вылын йи нин вөрзис,  
Ваыс содө лунысь-лун,  
Том войтырлөн вой оз узьсы,  
Палялөма налөн ун.

Ок и тулыс! Гажа тулыс!  
Виль олөмлөн ловзян кад.  
Тэнад воёмлы му вылө  
Том и пöрысь: былөн рад!

*(Кывбурсө лосьддiс Пархачёва Юлия)*

## ***Ар***

Кор локтас ар, некод оз тӧд.  
Сӧмын аддзӧны йӧз, кызди лӧбӧны юсьяс,  
То шоныд, то кӧдзыд, то зэр...  
Тадзи вежсьӧны ӧта-мӧд бӧрся лунъяс.  
Сӧмын коръяс лӧбӧны мыла,  
Да тӧвлысь лов шысӧ кыла.

*(Кывбурсӧ лӧсьӧдӧс Голосова Алёна)*

## ***Гажтӧм ар***

Ывла вылын кӧдзыд,  
Кымрасьӧ да кисьтӧ зэр,  
Гӧгӧр лоис пемыд.  
Гожӧм, лок ӧдйӧджык бӧр!

Шондӧ оз нин петав.  
Меным гажтӧм лоис зӧв...  
Лӧбач оз жӧ лӧбав.  
Гожӧм, лок ӧдйӧджык бӧр!

Ар – зӧв гажтӧм пӧра.  
Дзик пасьтӧм сулалӧ вӧр.  
Аски бара зӧрас.  
Гожӧм, лок ӧдйӧджык бӧр!

*(Кывбурсӧ лӧсьӧдӧс Старцева Марина)*

## ***Зарни ар***

Гожӧм колис, локтӧс ар.  
Зарни ӧнӧ Сыктывкар!  
Турунвиж туруныс кулӧ,



Тэ да ме дзебсим зонт улё.  
Шонді оз ёна югъяв,  
Оз нин пёся чолёмав.  
Видзёдлы, ёд арся лунё  
Зарни пасьыс карлы мунё!

*(Кывбурсё лёсьёдіс Ганова Юлия)*

### ***Меным шуштём кад***

Со и воис меным шуштём кад,  
Тайё кадлы кодкё кёнкё рад,  
Медводдза лым чиръяс енэж койё,  
Еджыд весиг пемыд, пемыд войё.

Сёмын сьёлём вылын сьёкыд поп,  
Радлунён оз ышөд менё лым,  
Меным сылён еджыд, еджыд во  
Оз сет помтём-дортём, ыджыд вын.

Зыксъыны ме ськөд ог жё мөд,  
Көдзыдыс вөр-валы колё өд.  
Гөгөрвоа төвлысь коланлун,  
Гажтёмлунёй, сьёлём вылысь мун...

\*\*\*

Мед тэ меысь ёні ылын  
Ми костын сулалё кад,  
Менам юрөй пыр век вылын,  
Миян олёмлы ме рад.

Тэ пыр ветлан-мунан кёнкё,  
Недыр кежлө волан гортё,  
Госьтитыштан, сэсса бөр

Сувтö ми костö сьöд вөр.  
Кута сьöлöмын ме лача,  
Со тай забор вылын катша  
Китшкö-котшкö меным бара,  
Кутшöм юөр бара-й вайö?

\* \* \*

И мыйла воис меным кад,  
Кор тэнад синъяслы ме рад!  
Мем муса тэнад мелі кывъяс!  
Мем муса тэнад шоныд сывъяс!

Мем колі эськö мунны бокö,  
Но мыйкö пыр тэ дінын ноки.  
Кор лэпти ассым бөрддзан синъяс,  
Тэ мыччин ассыд зэв ён кияс.  
Ми син-син сулалім тадз дыр...  
И öні муслунным оз быр!

### ***Енлөн көсйöм***

Ме тэтöг олі-вылі водзсö,  
Эг төдлы тэнсьыд олан этш.  
И вөлöм Енлөн көсйöм водзсөн  
Ми гөгөр сувтöдöма кытш.

Сы көсйöм-шуöм серти  
Крестасис кык туй,  
Сы кыöм-туöм серти  
И некытчö он уй.

И гөррдзассис кык съёлөм,  
И гөрөдсө он разь.  
Ми сетім вьльлы олөм  
И мед жө лоө тадз.

*(Кывбурьяссө лөсьөдіс Мартынова Божена)*

## V. ТВОРЧЕСТВОА УДЖЪЯС

### *Телепон*

Менө шуоны телепон. Тайө керкаас ме ола нин вит во. Некор ог вунөд, кызди вайисны менө татчө, вольсалисны мича дөра да пуктисны пызан вылө. Ставныслы лои зэв нимкодь.

Ме вөлі ичөтик ёртөн. Ме отсөгөн быдөн вермисны сёрнитны төдсакөд, рөдвужкөд, көть и олісны өта-мөдсьыс ылын. Лунтырнад унаөн пуксьывлісны ме дорө, босьтлісны менө киас да юксьывлісны асланыс вьльторьясөн.

Тайө патераас олысьяс йылысь ме дзик быдтор төда. Мамыс да батыс, налөн нылыс да пиыс тшөкыда ме пыр висьталөны, мый налөн вылыс, мый бурыс да лёкыс. Ме накөд тшөтш и серавла, кор мыйкө теш-кодьтор висьталасны. Корсюрө бөрдлывла да шогся...

Медся уна кадсө коллялө ме дорын Маша нима нывка. Школаыс локтөм бөрын сійө звөнитас Катя нима нывьёртыслы. Найө рытивбыд вермасны өта-мөдыскөд больгыны. Менам весиг пельөй мудзлө найөс дыр кывзөмсьыс. Мукоддырйи мамыс весиг пинявлө Машасө ме дорын та дыра пукалөмсьыс: «Вешйы нин телепон дорсьыс, шойччөдышт сійөс!»

Ме төда, мый тайө керкаас быд олысь радейтө менө. Ме налы коланатор. Ме отсөгөн мам-батыс да налөн челядыс бура төдөны өта-мөд йывсьыс, вермөны быд здуко төдмавны ылын олысь рөдвуж йылысь.

*(Творчествоа уджсө лөсьөдіс Ахмедова Евгения)*

## Кыз пу

Шуоны мено кыз пуон. Кызь нель во нин ме сулала гажа йорын – ошинь улын.

Вайис мено татчо ичотик Ваньо. Сийо торйодис мено рөдвужысь да нуис тодтом местао, дзик мод оломо. Сэки ме вөлі зэв на том. Быдма вөлі вөрын бать-мам, чой-вок да мукод ёртъяс дорын. Медводз меным вөлі зэв гажтом, шуштом. Шогйла менам вөлі этша выной. Дыр эг вермы велавны выль оланіно, коть и бөрйома вөлі меным зэв гажа ин – ошинь ув. Тани быдмис уна мукод пу. Но шуоны тай, мый кадыд бурмөдо да шогто бырөдо. Сідзи и лои.

Вочасон ме велалі выль оланіно, менам лои уна выль ёрт. Воысь воо ме пыр сөвми, мичамми. Меон тшөкыда нимкодясисны мукод пуяс да йөз. А кутшом долыд сьолөм вылын, кор нимкодясьоны тэон! А кыз нө он нимкодясь? Быд гожом ме сулала пашкыр веж сарапана, гажода ывлавыв, сета йөзлы чөскыд сөстөм сынөд. Арын ме кольквиж рөма сарапанася. Төвнас мено шонтө шоньд еджыд пась. Тайо каднас ме сэтшөм жө мича! Менө весиг мойдвывсаон нимтоны.

Торъя нин любө меным сэк, кор вожъяс вылө ошөдоны лэбачьяслы сёян пөвъяс. Лэбалоны роскысь роскө лэбачьяс, радлөны-чивксьоны, весиг тышкөдз воласны. Тулыснас ме мездыся лымйысь, увъясöй мыссьоны лым ваон. Төвся ун бөрын ме нимкодяся ывлаон, быттө выльысь ловзя: сөстөм чужөма, выль ловшыа.

Менам ворсө вирөй, вужсянь быд ув вожөдз муно зарава. Тайо чөскыд юанторнас гөститөдлывла Ваньөос. Шоньд муясысь вооны лэбачьяс да тшөтш гажөдоны ывлавывсө. Найо лэбалоны ме гөгөр, пуксьывлөны ме вылө да сьылөны аслыссяма сьыланкывъяс. Тайо каднас нөшта на гажаджык лоө керкагөгөрся йорын.

Сөмын гажтом босьтывлө, кор казъыштла мам-батьөс. Од найо нинөм оз тодны менам олом йылысь. Зэв эськө окота, медым найо тшөтш

быдмисны ме дорын. Тода, мый бать-мамойлы гажа и вöрын. Найö сідзи жö быд во радлöны тулыслы и арлы, гожöмлы и төвлы, сетöны сöстөм сынöд, гажöдöны ветлысь-мунысь йöзöс. На гөгөр сідзи жö лэбалöны да сьылöны лэбачьяс.

Ме ог пиняв ичöt Ваньöос, кодi торйöдiс менö рöдвужысь да вайис татчö. Ванюшыскöд ми воысь воö öттшötтш быдмим-сöвмим, нимкодясим лöөмторьясөн. Öнi тайö «ичöt Ваньöыслы» комын арöс. Ме кöсья, мед Иванлөн олöмыс вöли кыпыдөн да шудаөн. Зэв ыджыд аттö ставсьыс! Сиа быд бурсö тэныд, менам ёрт-кöзяин, Ваньö!

### *Пожöмлөн мöвпьяс*

Джуджыд пожöм сулалö ю бокын да шензьö: «Мыйла йöзыс кытчökö ылö мунöны? Танi со кутшöм лöсьыд! Пуксян джуджыд кыр йылö, да сэтшöм мича. Сьölöм вөрзьöдана серпас сувтö син водзад. Кыр улын визувтö сöдз ваа ю, нуö асьыс васö ыли муясö, козьналö ставлы олөм. А мöдлацöлас сулалöны-копрасьöны томиник бадь пуяс, пожьялöны асьыныс небыдик корьяссö сöстөм ваөн. Шöпкöдчöны öта-мöд костас. Мукöддырйи налөн мыла сёрниыс кылö ме дорöдз. Сэни жö шевкнитчöма паськыд видз. Тайö туруна виддзыс уна пöлöс рöмөн пöртмасьö шондi югөрьяс улын. И кельыдлöз синъяса пöлöзничаяс, и лым еджыд чышъяна катшасинъяс, и зарни юра купальничаяс, и гөрд биторьясөн öзйысь бобöняньяс – унаөн мыччысьöны веж, чöскыд турун пövстысь!...»

Видзöдö багатыр-пожöм став тайö мич вылас да синсö вештыны оз вермы. Сулалö чöла да нимкодясьö орччөн олысьяснас. Зутшвидзö кыр йылын да быттö дöзьöритö визув васö, том бадьяссö, пöртмасьысь видзсö лөкторйысь да радлö.

*(Гижöдсö лöсьöдiс Павлова Ольга)*

## VI. ПИСЬМӦЯС

### *Видза оланнӧд, дона челядь!*

Ми гижам тӧянлы письмо да корам тӧянӧс ёнджыка радейтны мянӧс, лэбачьясӧс. Корам видзны мянлысь позъяснымӧс, ӧд мянлы колӧ быдтысьны.

Миян посни лэбачпиян зэв ёна полӧны рогаткаясысь! Лёк зонкаяс рогаткаяснас жуглӧны-поткӧдлыны мянлысь колькъяснымӧс. Быд кольк пытшкын ӧд мян ичӧт пиян. Ми быд во чужтам тайӧ колькъяссыс ичӧт ёкмыляс. Быдтам-вердам пиянӧс да ёна радейтам найӧс, кыздз тӧянӧс бать-мамнӧд радейтӧны. Ми сылам тӧянлы мыла сыланкывъяс, весалам град выв пуктасьястӧ лёк гагъясысь, мичмӧдам ывла вывсӧ.

Сидзжӧ ми кӧсьям висътавны тӧянлы ыджыд аттьӧ вердчан пӧвъясысь, кӧни зэв уна сӧян. Тайӧ сӧян тыра пӧвйыс мянлы зэв отсалӧ кӧдзыд да тшыг тӧвса кадӧ. Аддзысьлытӧдз.

Тӧян бур ёртъяс – лэбачьяс.

*(Письмӧсӧ гижис Шёлковая Екатерина)*

### *Видза олан, Ваня!*

Ме тӧлысь чӧж нин кута ас пытшкын тэ вылӧ лӧг. Тадзи овны водзӧ оз позы, сы вӧсна и гижатэныд письмо.

Меным дышӧдис туплясьны лунысь-лун тэнад крӧвать вылын, а мукӧд дырйи и улын. Школаысь локтӧм бӧрын шыбитан менӧ сэтчӧ да вунӧдан ме йылысь. А ме куйла куснясьӧм мышъясӧн. Менам ставыс висьӧ. Ме пытшкӧ кӧ видзӧдлас кодкӧ, пыр жӧ юрсиыс сувтас. Шыпасъяс чеччалӧны гижтасянь гижтасӧ, гӧгӧр няйт, ыджыдалӧны сӧни сӧмын «кыкъяс». Гортса уджтӧ век вӧчан сӧйигӧн, та вӧсна ме вылын лӧсталӧны юмов да госа чутъяс.

Ме зэв ёна кора тӧнӧ, Ваньӧ, пыдди пуктыны менӧ. Вай кутам ёртасьны да ӧтвылысь овны. Ме кута лача, мый тэ гӧгӧрвоан менӧ да вежсян.

Коми кывйысь гижӧм вылӧ тетрадь.

*(Письмӧсӧ гижисны Ложкина М., Огибина И., Ногиева М., Шахова Н.)*

## ***Видза олан, муса Пушок!***

Миян котырын ме медся ичөтик. Менө мам-бать пыр повзёдлөны тэөн, шуоны: «Эн мыччы ныртө, пукав гортын! Кутас тэнө ёсь гыжъя каньыс, сэки төдмалан!»

А меным зэв окота петавлыны тиян дорө да видзөдлыны ёсь гыжъя пемөсьясос. Тэнад каньпияныд сэтшөм гажаа лун-лун котралөны-ворсөны. А ми лунтыр пукалам пемыдінын да дзөрам-полам. Ме зэв тшөкыда кывла тэнсьыд мургөмтө. Сідзи и унмовсян чөскыд унмөн!

Пушок, вай кутам тэкөд ёртасьны. Ме зэв ёна кута виччысьны тэсянь воча кыв. Лоа рад, тэ кө гөгөрвоан менө.

Шырпи Пи-пи  
(*Письмөсө лөсьөдіс Чуркина Виктория*)

## **VII. ШЫПАСЪЯС ЙЫЛЫСЬ КЫВБУРЪЯС**

### **Б шыпас**

Пуксис бобув бөчка вылө,  
А сы пытшкын мыйкө кылө.  
Видзөдліс, а сэтысь звирк –  
Петіс бөчка пиысь чирк. (А. Игнатова)

### **В шыпас**

Менам мамө ньобис өчки,  
Сійөс ныр вылө ме точкис.  
Анбуртө ме вөлі төда:  
«В» шыпаскөд матын рөда! (Г. Сенькина)

### **Ж шыпас**

Турун вылө зэв нин тшап  
Пуксис «Ж» шыпас кодъ гаг! (М. Старцева)

### З шыпас

Гезйыд миян чукультчыштіс,  
Бөжсө вывлань кыпөдыштіс,  
Юрнас увлань довкнитыштіс,  
«З» шыпасө гаровтчыштіс. *(Н. Фёдорова)*

### Чута і

Мазі лэбө: «Зі-зі-зі!»  
Зіб со сулалі вөлі.  
Мазі сувтыштіс: «Зі-зі!».  
Со и артмис «Чута і» *(Н. Артеева)*

### К шыпас

Тундраын олө тайө пемөс,  
Тайө зверыс абу шемөс.  
Олө сэн, көн абу вөр,  
Тайө ыджыд сюра (көр) *(Е Мингалёва)*

\*\*\*

Миян эм уска дивө,  
Аддзас кө шыртө сійө,  
Ускөдчас да «Няв!»  
Шырыд сэсь сюв-сяв.  
Сійө сера, мича, шань,  
Мурзик нима ... (кань.) *(Н. Артеева)*

\*\*\*

Кеша кань  
Талун шань.  
Сійө сөйис  
Йөлөн нянь! *(В. Расов)*



\*\*\*

Вайис мян кань  
Ичөт пушyd каньпи.  
Кокыс өти рөма,  
Быттьö еджыд көма. *(Л. Павлова)*

\*\*\*

Йөктö сцена вылын ёртыс,  
Быд ног кисö да коксö пуктас.  
Но мен медся тöдса лоис:  
«К» шыпаслөн ки да кокыс! *(А. Липина)*

### **Л шыпас**

Петö ывла вылö Вася,  
Ыджыд лызьөн шлөпкö!  
Кок улöдзыс еджыд пася,  
Гöна кепысь нырсö тупкö.  
Кайис кыр йылö со Вася,  
Исковтис да сатшис друг,  
Лэбзис сылөн лызи друг.  
Петис Вася тола пиысь,  
Аддзö шыпас суетса «Л»:  
- Лöсьыда исковтi ме! *(Е. Расова)*

\*\*\*

Лымйын, льöмйын сийö эм,  
Сулалö медводзын.  
«М» шыпаслөн джынъя пöв,  
Шусьö сийөн «Л»-өн. *(В. Чуркина)*

\*\*\*

Талун асывводзсянь Лиза,  
Сувтіс лыжи вылӧ.  
Луныс вӧлі зэв нин бур,  
Лиза ислаліс лунтыр. (Д. Бабилова)

### М шыпас

Мамкӧд кутчысьӧма Зина,  
Мунӧны сідз магазинӧ.  
Майбыр, Зина ёна рад,  
Мамыс ньӧбас мармелад! (В. Чуркина)

\*\*\*

Мунам кутчысьӧмӧн кыкӧн –  
«М» шыпасӧн лоам ськӧд. (А. Липина)

### Н шыпас

«Н» анбурын важнӧй шыпас.  
«Н» – тӧг сёрни оз ло бур.  
«Ур» кыв дорӧ содтан «Н» пас,  
Лоӧ выль кыв – «нур». (В. Попова)

\*\*\*

Чипан, кукань, кань –  
Гортса пемӧсьяс.  
Кӧин, кынь, вӧркань –  
Вӧрса олысьяс.  
Кутшӧм тані шы  
Кылӧ тшӧкыда?  
[н] да [н'] шыяс –  
Медся горяяс. (Т. Попова)

## О шыпас

Оліс-выліс вöрын ошпи.  
Сейис-юис чöскыд оз тусь.  
Оз сөй сөмын пипу кор,  
Абу чöскыд сылөн көр. *(М. Климова)*

\*\*\*

Енэж шөрö шондi петiс,  
Ассыгс шоньдлунсö сетiс,  
Ставлы буртор сийö сийö,  
Шыпас «О» кодь гөгрöс сийö! *(М. Мишарина)*

\*\*\*

Лун и вой – енэжын,  
Шензигөн – синъясын,  
Чашкаын, тасьтiын,  
Весигтö – бöчкаын,  
Гөгыльын, көлачын...  
Гөгөрбок, быдлаын!  
Төдiнныд? Төдiнныд!  
«О» шыпас водзаныд! *(Н. Морозова)*

\*\*\*

Сейны кутан – тайö көлач,  
Математикаын – ноль,  
Роч кывйын да коми кывйын  
Ворсö «О» шыпаслысь роль. *(А. Расова)*

\*\*\*

Часi мунiс: «Тик да тик!»  
Сийö шыпас «О» кодь дзик! *(Е. Туисова)*

\*\*\*

«О» – ыс миян өдйө ветлө,  
Гөгрөс, быттьө көлеса.  
Сійө шондын и войын,  
Сійө ошкын, сійө номйын,  
Со тай кутшөм миян «О»! *(М. Веселик)*

### П шыпас

Бедь пом вылын сапогшой,  
Кодөс новлө менам чой.  
Дзик нин шыпас Гб кодь,  
А бергөдан кө, Пб кодь. *(О. Козлова)*

\*\*\*

Олө миян дорын пон,  
«П» шыпас кодь сылөн чом. *(А. Липина)*

### Р шыпас

Рака пуксис потшөс вылө,  
Горзө, кравзө – ылөдз кылө.  
Төв и гожөм сиктын олө,  
Сөмын мортысь сійө полө. *(Ю. Изъюрова)*

\*\*\*

«Р» – ыс эргө – пон кодь скөр,  
Кывсө чорзьөдас гөгөр.  
Юрсө бергөд улілань –  
Лоас мелі, небыд кань. *(Ю. Ганова)*

\*\*\*

Тайо шыпас шусьо «Р».  
Пон со эргө «Р-р-р!»  
Челядь, босьтөй төд вылө:  
«Сийо эргө ме вылө.» *(Н. Пяткова)*

**С шыпас**

Сус пу йылын быдмө сус,  
Сийо шонтө ассыс ус!  
Чөскыд ачыс – сөмын сөй.  
Узьо сийо лун и вой. *(С. Нестерова)*

\*\*\*

Гөгрөс төлысь ньөжйө сылө,  
«С» шыпас кодь лоо сийо. *(Н. Морозова)*

\*\*\*

Кодзув костө зэв нин пөрысь,  
Петис «С» шыпас кодь төлысь. *(В. Канева)*

\*\*\*

«Р» шыпассянь абу ылын,  
Мыччысьлывлө енэж вылын.  
Видзөд со тэ төлысьсө.  
Гөгөрвоан шыпассө? *(А. Расова)*

\*\*\*

Пожом вылын буксө сюзь,  
Войнас кыйсьо, а оз узь.  
Пемыд войын кыйо шыр,  
Кыйом бөрас сөяс пыр. *(Н. Богданова)*

\*\*\*

Кодкө уджалө зэв зiля.  
Юрыс гөрд, а бордыс визя.  
Ылын кылө: «Дiзь да дiзь!»  
Сизьлөн уджыс мунө сiдз! *(О. Матвеева)*

### Т шыпас

Тшак кодь, тув кодь  
Шыпас «Т».  
Мөлөт вылө мунө жө.  
«С» бөрын тай сулалө,  
«У» водзын тай зымвидзө! *(В. Чуркина)*

\*\*\*

Өтар киас батьлөн көрт тув.  
Мөдар киас со мөлөт!  
Артмис лөсьыд улөс менам.  
Шыпас «Т» уджысь оз пөт! *(Ю. Ганова)*

### ТШ шыпас

Турун пытшкын быдмө тшак,  
Мича, чөскыд, зэв өд тшап.  
Видзөдлан сы вылө –  
«ТШ» шыпас кодь сiйө! *(А. Голосова)*

### У шыпас

Бура кыпид сылөн гор!  
Мукөддырйи овлө нор.  
Ачыс быттьө чегөм ув,  
Нимыс шыпасыслөн «У». *(О. Истомина)*

### Ф шыпас

Менам ключо́й абу прѐст –  
Восьтѐ сійѐ быд ѓдзѓс.  
Лѓсялас и «Анбурас»,  
Кѓні дзѓбсьѓ «Ф» шыпас. *(Ю. Ганова)*

### Ц шыпас

Циркѓ локтис виль циркач,  
Кыкнан киас сьлѓн мац.  
Мунѓ гез вывтi циркач,  
Оз усь кисьыс сьлѓн мац. *(Н. Сметанина)*

### Ш шыпас

Сѓйны пуксин — вилки босьтiн.  
Гашкѓ, турун сійѓн косьтiн?  
Гуся шыа, куим вожысь,  
«Ш» шыпаслѓн йывъяс ѓсьѓсь. *(О. Истомина)*

\*\*\*

Ваня талун пуктѓ турун,  
Босьтис вила да куран.  
Уна сьлѓн артмис юрыс –  
Миян Ваньным уджач, шань!  
Со и воис пажын кад,  
Ставныс вѓлѓмаѓсь рад.  
Куйлѓ куран, вила сатш –  
Мудер Ваня усис гатш!  
Пажын бѓрын шойччигѓн  
Аддзис шыпас вилалѓн. *(Е. Уланова)*

### Щ шыпас

Ольбксан вочис понпилы ящик.  
Щоткаон чышкис ёг.  
Мед вөлі шоньд да сөстөм понлы,  
Мед некор эз төдлы шог. *(Е. Шёлковая)*

### Ь (небыд пас)

Асывсяньыс босьтис бать  
Менсьым пуьсь вөчөм дадь.  
Катөдіс сійөс кыр йылө,  
Лэбзис кырсянь ылө-ылө.  
Уси лымйө менам бать,  
Жугалис и менам дадь. *(Н. Кечкина)*

## VIII. НӨДКЫВЪЯС

Вөрын олө, кырсь пыр сөйө.  
Юрас мича чукля сюръяс,  
Медся вына сылөн кокъяс.  
Медся ыджьд пемөс вөрын,  
Оз пов весиг съод вой шөрын! *(йөра) Т. Сажина*

Паччөр вылын лунгыр мургө,  
Яй кө сетан – гора кургө,  
Лакө нөк да кыйө шыр.  
Коді тайө, төдмав пыр! *(кань) Е. Ахмедова*

Еджьд уска, пушыд бөжа ань,  
Сөйө чөскыд йөв да выя нянь.



Ачыс мелі, мича да зэв шань.

Коді тайё? – Налим сера ... (кань) *Т. Попова*

Бөжнас вайё юөр пыр,

Оз ков корны сійёс дыр.

Меным «китш», а тэныд «котш»,

Кодлыкё и «китш», и «котш». (катша) *Т. Сажина*

Пельясой кузьёсь, вёрын ме ола.

Кузь бөжа пемёсысь ёна ме пола.

Арын да тулысын пасьёс ме вежа.

Паныдав менё, звирк бокё кежа. (көч) *А. Немчинова*

Кокыс тэрыб, пельыс кузь.

Ок и тайё пемёс сусь!

Овлё еджыд, овлё руд,

Некыдзи сійёс он кут! (көч) *А. Липина*

Мый пыр полё тайё пемёс?

Повзьёмысла бырис эбёс!

Тіралё и лун, и вой,

Шогысла оз ю, оз сёй! (көч) *Т. Сажина*

Руд ёкмыль кодь гожёмбыд котралё-ветлө,

Лым еджыд гөн сылы төв кежлө петлө. (көч) *Т. Сажина*

Сійёс радейтё зэв көч,

Сылён абу весиг рөч,

Быдмё град йёрын – дзик мач.

Сёйигтырйи кылө трач. (көчан) *А. Липина*

Сійö тэнö ошкыштас,  
Дурны мөдан – өлөдас,  
Сьöкыд здукö отсыштас,  
Вердас, шонтас, водтөдас,  
Нöшта тэныд мойдыштас.  
Сійö менам шань да рам.  
Тайö мелі, муса ... (мам) *Н. Порошкина*

Та кодь пемöс эз на вöv,  
Сійö сетö чöскыд йöv.  
Кутшöм тайö гортса пемöс?  
Дерт жö тайö сюра ... (мöс). *И. Кочанова*

Быд пу сылөн – тайö горт.  
Тайöс төдö весиг морт.  
Лунбыд сійö килльö коль,  
Уджтөг некор нин оз ов.  
Тöлын пыр сылөн эм тшак,  
Ачыс мича да зэв тшап. (ур) *Т. Сажина*

Мортлөн тэрыб кока ёрт,  
Збоя видзö сылы горт. (пон) *Т. Ануфриева*  
Котрöдлывлö сійö лым.  
Овлö турöб, овлö чöv.  
Татшöмторсö вöчö... (тöv) *Ю. Ганова*

Веж видз вылын звирк да звирк.  
Тайö чукля кока... (чирк) *Н. Порошкина*

## Для заметок

## Юриндалысь

Водзкыв .....	3
I. Мойдъяс... ..	4
Дзинь да Дзонь .....	4
Куим саревна .....	7
Мой да көч .....	13
Мича ныв .....	14
Тувсов сёрни .....	16
Лым усьом – мый тайо!?	18
Коді лоӧ көзяинӧн? .....	20
Кузьма Батькович да Марпида Саревна .....	24
Теремок .....	26
II. Висьтъяс .....	29
Гожся асылӧ көмтӧг .....	29
Узьысь көч .....	29
Сюсь рака .....	31
Порсьяс-футболистъяс .....	32
Ошкӧд паныдасьлӧм .....	33
Кыдзи ӧш катӧдліс миянӧс пу вылӧ .....	34
Кодлы мунны армияӧ? .....	35
Коді мыжа? .....	36
Чӧртпиян .....	38
Виддін ёль .....	40
Петук .....	41
Петя .....	43
Ме йӧзлы бур вӧча .....	44
«Суседкӧд» паныдасьлӧм .....	45

III. Текст-серпас .....	46
Вильышпоз .....	46
Уркай .....	47
Төвся вөр .....	48
Менам муса кызду пу .....	48
Арся вөр .....	49
Төвся рыт вөрын .....	50
IV. Кывбуръяс .....	51
Кызду .....	51
Кань .....	52
Тулыс .....	52
Тулыс воом .....	53
Ар .....	54
Гажтөм ар .....	54
Зарни ар .....	54
Меным шуштөм кад .....	55
Мед тэ мейсы өні ылын.....	55
И мыйла воис меным кад .....	56
Енлөн көсйөм .....	56
V. Творчествоя уджъяс .....	57
Телепон .....	57
Кызду пу .....	58
Пожөмлөн мөвпъяс .....	59
VI. Письмөяс .....	60
Видза оланныд, дона челядь! .....	60
Видза олан, Ваня! .....	61
Видза олан, муса Пушок! .....	61
VII. Шыпасъяс йылысы кывбуръяс .....	61
VIII. Нөдкывъяс .....	70

Зарни куд

*Коми кывйысь творчествоа удж чукор*

*Выпуск 1*

Составители Э.И. Полякова, З.И. Мартынова

Оформление обложки В. Токарев

Компьютерный макет И.В. Шевелёва

Подписано в печать 27.04.09.

Формат 60x84 <sup>1</sup>/<sub>16</sub>. Тираж 50 экз. Печать ризографическая.

Усл. печ. л. 4,4. Уч. изд. л. 2,3.

Редакционно-издательский отдел  
Коми государственного педагогического института  
167982, Сыктывкар, ул. Коммунистическая, 25

